

欽定四庫全書

普濟方卷三百七十一

嬰孩驚風門

慢驚風 附論

明周王

朱楠

撰

夫慢驚因病後或吐瀉脾虛胃損遍身冷口鼻氣出亦冷手足痠癢昏睡露睛此無陽也括楊箕湯主之錢氏曰無陽何用括箕湯內用括箕根白甘遂按本草括箕

根味苦寒無毒主心渴身熱甘遂味苦甘大寒有毒主
腹滿面目浮腫留飲宿食又曰驚急合涼瀉慢驚合溫
補錢氏既急驚涼瀉慢驚溫補合同括萋湯寒毒之藥
又無溫補為佐首尾亦無補助兼主對不親如此治之
怪也經曰實實虛虛損不足益有餘如此者醫殺之慢
驚虛病寒毒之藥甚戾人正合難經虛虛之論乃錢氏
之非也愚常治此病以神貫丹寬筋湯治之多愈錢氏
方脈議論優長甚為可取其間如治慢驚法用括萋湯

陰癇壞病內亦用此方錢氏豈不知括萋湯反為害也
觀其智識必不如是倘或此說但取其所長畧其所短
庶不悞後 徐仲秀子三歲七月中因傷乳食嘔吐數
次而後作瀉召一醫視之三日不退加之眼露後因顛
陷氣粗面白形青虛煩腹痛忽發驚風進退召愚視曰
此子雖是慢驚法當斷乳三日頻與稀粥服藥可安主
人曰小兒以乳妳為本豈可遽然捨乳也答曰舟非水
不能行然波濤沸湧則有覆舟之患兒非乳不養然吐

瀉過傷則有傾人之患波濤非自生其所以生者風鼓不平之勢作之也吐瀉非自生所以生者風冷冷不便乳引之也風息則水勢平乳少則吐瀉止善行舟者不懼波濤而懼舟之不固善為醫者不懼吐瀉而懼乳之不節蓋乳猶水也水能載舟亦能覆舟此之謂也始因傷乳為病若以所傷之乳乳之如以酒解醉轉加昏憤固能節乳使藥速驗也主人乃聽用神寶丹續命湯安神膏日各三服頻與稀粥至夜驚再不潮翌日愛哺尚

用是中脘有食脾胃有風主人曰何知也答曰愛者有食困者有食困者有風當用宣風散汁用下紫丸子令微利再用神寶丹安神膏琥珀散日各二服調治三日時與止妳至五日全安主人曰慢驚風何敢決生答曰病雖至困形青而不昏肚痛而手足常溫驚搐無痰喘喘氣微熱是胃氣未脫經曰胃者水穀之海主稟四時故皆以胃氣為本此子病雖至危而胃氣尚未脫可以復生也 蘇氏子半年自生下時復觀乳一月吐而身

熱名愚視曰心者精神之本清虛不欲氏日不可昧昏
昧則氣濁氣濁則神亂神亂則血脈不榮冷者血脈俱
虛精神離散不可治主人曰何便不治答曰緣見兒目
解而顛腫面白而唇青兼透口鼻人中肉內隱出黑色
是精神散失索問曰得神者存失神者亡設或苟安猶
若輕漚浮水暫駐目前豈真能久微燭乘風其不亡者
何待主人大怒後易數醫果驚而卒 大便青臟冷也
或初出微黃良久則青者亦然也靈秘曰瀉下如藍澱

胎中受積驚蓋惟心主驚心驚則膽怯膽者與肝為表
裏者也膽怯則肝冷肝因脾受邪故大便初出微黃脾
之色也良久後青肝之本色肝熱則外發目赤肝冷則
內作便青又有不因驚而得此證者蓋稟胎氣怯弱內
受風寒故也有便青夾白膿稠粘如涎者亦是腸寒久
冷則令兒面白形青腹痛驚啼失治則變陰癇也 凡
慢驚風病若是急驚傳來而尚陽證其陽即虧不必回
陽又不待治陽只可截風調胃均平陰陽陽可冷可熱

可緩可急是也若直便為服附子硫黃之屬使陽歸陽
又是急驚學者理宜知之既治陽證傳作陰證即與服
保命丹三二服兼前牛黃清心丸子其有四證且八候
稍緩疾陰痼者即與服之若已傳過八候不作四證尚
在者只宜與服定命飲子若脚手冰冷者乃四逆候方
可回陽次第合眼者即傳作慢脾風候塞而驚風痰涎
壅盛搐搦不止不可下者宜與五靈膏脂丸其痰壅盛
口角垂者白薑丸功效驚風搐搦身體雖煖風痰不化

宜服天南星丸 嬰孩所受此等證候無他疑者只將
下項用藥無不甦省切不可涎久其陽易化陰氣漸盛
藥力不及使人難治又不可一向併投藥每次一二服
了須審察證候緩急有無傳變稍覺寬定其藥放慢或
勢漸緊宜以次第緊急藥與服不可藥礮一藥又不便
換湯餌連併與之所謂察其輕重審其進止而後已
慢驚若是急傳來是知前人不曾截風定搐陽脫而傳
陰陰重陽虧其風與熱誰流縱經絡又有曾服大寒涼

之藥過多又有下積取瀉致作又有臟腑虛寒洞洩而為其所受多端 理慢驚當知陰癇之脫說其證屬陰臟寒氣虛尚或泄瀉不止且驚正作多因無識之人一向治驚更不理瀉藥用寒涼投之令氣愈虛洩瀉不止陰證愈作驚搐愈增若用止瀉藥稍熱八候復加四證不退慢驚雖曰難治蓋醫亦不曾究竟病作加進深為重害 慢驚當察知所視為要眼睛昏定為重竄視為重四肢厥冷為重睛定不眨為重雖眨不左右顧為重

汗出如流亦重口面忽黔黯色至重感風搐搦慢驚眼在半開半合之間者乃知陰氣所盛傳入臟間陽氣已虧脾經屬陰次第入脾故言慢脾風候 醫慢驚與急驚風候自是不同未可一向下定搐藥急驚謂闕竅不通故必腦子麝香藥通利定其搐搦慢風陰重陽虧諸經已虛不宜通關又涼其臟易作慢脾風 醫慢經不可爭攻急驚陽癇稍易理慢驚陰證最難服藥已愈而尚虛之未省三五日之間者有之俗謂過街候發無定

論不可輕易妄劑投之攻擊則前功俱喪 慢驚所治之理須究問原因所發若是急驚傳陰為慢驚者乃癩所作陰癩也當察陽子為重即陽脫而陰盛小兒有長幼之別臟腑有虛實之分有瀉三五次便成風候乃由虛之盛也或二三日洩方成風候或有五七日瀉不止而成風候暴瀉成風猶可速治蓋回陽調中補氣之為易若久瀉漸傳成風候者為虛為乏故難療理 嬰孩小兒洞泄成風以補藥治之宜用附子臘寒洞泄或因

服藥下積取瀉成風宜以溫脾壯氣藥調之宜服觀音散全蝎散有服寒涼藥成風下藥太涼致冷臟腑先寒過發藥吐瀉即傳成風候以助氣醒脾藥溫之即王氏大惺惺九大喝起散與服之效若手足冷回陽宜木附湯効陽癩傳作陰癩者急驚傳作慢驚風候以截風藥定搐藥若在前三日者慢驚候便以截風往往未為蓋當由病自虛得之所以云調補之理 慢驚之候其意在慢治急驚之候其意在急何也且急無過因熱生

風作驚跌撲作驚他物觸之作驚驚熱傳極即變生風
搐搦等候皆熱所乘若順證依法下之諸候自息慢驚
所作不常當宜省察用意仔細所至療為難以故宜消
息為之慢也不可愴惶恐懼非失治躊躇疑二之為慢
也又曰慢驚無爭攻蓋所至療為難事 嬰孩所患急
驚慢驚慢脾三者皆由風痰所作以漸傳及未有初得
病而便慢脾者或急驚傳來或吐瀉而得或久痢氣虛
脫而得傷寒表裏既虛傳入陰證亦成慢候久嗽成癩

亦傳慢驚候霍乳吐痢亦傳慢候脾困久睡亦作慢候
吐血亦傳慢候虫積衝心亦傳慢候肝風筋急大小便
閉心虛煩躁煩渴引飲腹肚疼痛睡裏咬牙日夜汗出
走馬疳急諸般丹毒龍纏腰膀脫吊疝卵腫莖曲四體
浮腫以上諸證皆傳慢候有如此者其所患諸疾皆能
傳作慢驚乃傳作慢脾脾氣既絕胃氣已盡無可得而
治療故也 嬰孩五臟易冷熱易虛易實醫方並不治
腑受病曰脾不病耳曰非也小兒在腑有疾自息愈者

有之在臟不可不治臟者陰屬腑者陽屬謂小兒先陰而後陽又曰小兒乃純陽之氣在腑則順在臟則逆故前資皆理其臟未言治腑也又腎一臟常主虛不可攻療若有腎臟但清心肺緣心與腎既濟也肺與腎乃子母也無與腎藥及諸補藥若治腎臟即他病發生故戒止不可療 湯氏曰吐瀉纔生便惡心胃虛脾弱汗相侵舌出唇緋雙眼閉垂頭髮雖起如針 悶氣粗兩脇動口生瘡曰命難任未生此證宜先治有瘡胃閉命

須沉未發慢脾先要困暈中吐舌更搖頭吐妳作腥生氣息額頭千顆汗珠流睡裏多驚驚哭起面黃脉細最堪憂腥脾助胃成功効傷妳依前命也有休凡有此疾宜暫斷乳控令胃乾肌甚當用藥令藥乳母釀其乳與之十收一二矣 仝嬰簡易方云驚風似是而非若同而異受證非一治法不同此病之惑人也醫者當首辨明而治之宿州陳氏曰驚風二證驚自驚急驚慢脾也風自風五臟中風也當分別治之世言熱極生風而不

知風寒暑溫之氣亦能生風錢伸陽云傷風傷寒傷食麻豆變蕪等候亦能搐所胃斷搐者是也陳氏曰醫者每見小兒發搐不辨是否驚風用蜈蚣腦麝香牛黃巴粉等寒涼毒劑多致天傷或成慢候蓋真氣者元陽也如用藥性溫則固養元陽用藥性冷則敗傷真氣宜用溫涼之劑則無過與不及楊氏曰驚風暴烈惟蜈蚣能截能擒貴乎藥病相當辨認的是驚風之證方可用之一字半字而止或傷風等證假搐不可妄投中毒非

淺或有蜈馬急以桑白皮蚯蚓為解錢氏湯氏胡氏楊氏辨云傷風傷寒熱盛生驚必有傷風傷寒之證但牙關不緊麻豆搐及熱乘于心心火炎上故目瞪上竄乃痘證欲出之狀心中指冷耳後紅綉乃四臟之證但無疾潮食積發搐必有面黃吐利夜熱晝涼等證變蕪微搐但唇上白珠生爛厥多似慢驚但唇口紫吐清涎瀉者四肢柔軟發而時醒痊癒一身強直終日不醒痊則舉身強直痊則手足冰冷剛痊有汗柔痊無汗中風口

眼喎必有五臟中風之證天吊或啼或笑狀似鬼祟頭目仰視如魚上釣內吊傴僂返張唇黑陰腫眼有紅筋班血容忤物忤中惡回變易五色狀似驚癇但目不上視 楊氏曰慢驚本無熱乃虛熱也當用藥以溫之又曰纔經吐痢便是慢驚由虛使之須用溫中扶裏抑陰助陽用理中湯加木香錢氏云夏月脾胃伏熱當解暑毒不可便曰回陽楊氏曰方傳慢驚尚有八候竄視及張搐搦掣顫也但昏沉者不可回陽宜調胃截驚可涼

可熱均平陰陽而已用全蝎觀音散又曰若陽虛陰盛病已傳過無搐掣反視之證昏沉者用四君子湯加附子三分之重者對加又曰手足冷冰方可回陽用附子理中湯慢驚下痰用蘇合香丸白丸子又曰若眼半合半開手足不冷不可回陽其證尚在慢驚用調中湯參苓白朮散或用實脾散楊氏截驚用太乙保生丹或用奪命丹柳氏曰凡吐瀉氣虛體弱者調胃用實脾散使服奪命丹以截其驚

方

實脾散 治脾胃虛冷吐痢不止不進乳食慢驚脾等證及治痘證下痢不能收厭回

人參 白朮 白茯苓 縮砂仁 各五錢 丁香 二錢 木

香 炮二錢 麥芽 石蓮肉 麩餅 陳皮 去白 山藥

良薑 油炒 青皮 去白 冬瓜仁 各五錢 肉豆蔻 三箇煨 薏苡薑 炒

三錢 匾豆 薑炒 香附子 炒去毛 甘草 各三錢 陳米 一撮炒

右為細末常服棗湯調或米湯燒鹽調服吐痢脾胃

虛弱加硝積飲同服慢驚脾手足厥冷加附子理中

湯同服下回陽丹令吐痢加附子訶子肉慢驚慢脾

研奪命丹同服

盧會散 治小兒慢驚風胃膈痰涎咽喉壅塞身體壯

熱筋脉拘急時或發渴

盧會 研 龍骨 雄黃 研 麝香 研各半分 胡黃連 青黛

研 木香 丁香 牛黃 研 天竺黃 熊膽 研 乾蝎

炒膩粉 研丹砂 研犀角 鎊附子 炮製去皮臍 人參 沉

香各一分

右搗研為散每服半錢薄荷湯調下

牛黃丸 治小兒慢驚風及取風涎積聚

牛黃細研甘草炙微赤剉陳橘皮湯浸去白瓢焙黃連去顏天南星

炮白附子炮製去皮劑半夏湯洗七遍七去滑乾蝎微炒

犀角屑 宿砂細研硃砂細研各一分水銀半兩燒棗瓢一處別研星

盡金箔二十片細研硫黃半兩細研麝香半分細研巴豆十枚去皮殼

別研壓去油

右為末都研令勻以麩糊和丸如黍米大每服以甘

草薄荷湯下三丸至五丸

烏犀散出聖惠方治小兒慢驚風或發即戴眼向上手足搐

搦

烏犀角屑一分獨角仙三枚微炙去翅足驢胎耳一分燒灰雀兒

飯甕五枚乾蝎一分燒灰白殭一分微炒硃砂一分細研雄黃一分

細丁香一分蠶紙一章出子者燒灰麝香一分細研牛黃一分細研羌

活半青黛一分細研天竺黃一分細研

右為散都研令勻不計時候以溫水調下半錢量兒大小加減服之

龍腦散出聖惠方治小兒慢驚風心胃痰涎上攻咽喉如呀身體壯熱筋脉拘急或時發歇抽掣

龍腦半分雄黃一分麝香一分盧會一分胡黃連一分

青黛一分木香一分丁香一分牛黃一分天竺黃一分

熊膽一分犀角屑一分乾蝎一分膩粉一分硃砂一分

右為散同研令勻不計時候薄荷湯調半錢服之量

兒大小加減

回魂煎 治小兒慢驚風

天南星一枚重二錢者燒地炕子令赤用醋添下天南星以挖子合定勿透氣去皮臍取二

錢白附子三枚烏蛇四寸用酒浸蜈蚣一條棘剛生用

子三十枚乾蝎全者七枚炒丹砂兩水銀沙子兩膩粉子大

麝香各一分犀角末各一分乳香各一分金箔三片共沙

牛黃錢龍腦各半錢研

右為擣研勻細用石腦油為膏旋丸如碗豆大每服

一丸薄荷湯化下

天竺黃丸 出聖惠方 治小兒慢驚風搐搦

天竺黃 一分 雄黃 一分 麝香 一分 龍腦 半分 木香 半分

半丁香 半雄蠶蛾 十四枚 雄黃 半分 胡黃連 半分 硃砂 半分

一分金箔 十四片 膩粉 半分 熊膽 半分 盧會 半分 犀角 半分

屑 半分

右為末都研令勻鍊蜜和丸如菉豆大不計時候以粥飲下三丸量大小加減服之

水銀丸 出聖惠方 治小兒慢驚風面青口緊吐涎脚冷身熱

頻頻搐搦

水銀 半兩 入黑鉛 半兩 天南星 一分 鉛霜 一分 硃砂 一分

雄黃 一分 天竺黃 一分 犀角屑 一分 麝香 半分

牛黃 半分 龍腦 半分 馬牙硝 一分 金箔 三十片

白附子 一分 乾蝎 一分 膩粉 半分

右為末入諸藥同研令勻用雀兒飯甕內蟲十枚鍊蜜用研和丸如菉豆大不計時候以薄荷湯化破三

丸量兒大小加減服之并加麝香少許

通聖餅子

出御藥院

治小兒慢驚風癇涎多咽喉不利手足

搐搦

天麻

使君子

去皮

白殭蠶

炒

白附子

炮

南星

炮各一分

乳香

青黛

蝎梢

炒

膩粉

水粉

各一錢

黑鉛

半錢

與水銀結沙子

無食子

一對去皮

麝香

腦子

各半錢

右為細末麩糊為丸如梧桐子大捏作餅子每服以

餅子用薄荷湯化下食後臨睡服之加減

歸魂丸

治小兒慢驚風搖頭閉目

金箔

十五片研

丹砂

研

膩粉

研

牛黃

研

青黛

研

白殭蠶

炒 蟬殼

去土

附子

炮

乾蝎

全者炒

防風

去蘆

犀角

鎊

天

南星

炮各一分

天麻

半兩

棘剛子

十二枚

右為末鍊蜜和丸如梧桐子大每服一丸薄荷湯下

妳食後臨睡服

北金丸

出聖惠方

治小兒慢驚風胃膈多涎迷悶口噤發歇

搐搦縱睡多驚

牛黃一錢麝香一錢烏犀角屑一分珠砂一分天南

星一分烏蛇肉一分羚羊角屑一分乾蝎一分雄

黃一錢水銀一分金箔二十片銀箔二十片已上三

鼠飯甕二十枚內有物者炒

右為末都研令勻鍊了蜜和丸如菉豆大不計時候

以薄荷汁下三九量兒大小加減服之

觀音散出危氏方治胃氣不和脾困下瀉過多不思飲食乳

食不化精神昏慢四肢困冷

人參 白朮紙煨匾豆炒各二錢半白茯苓 酸棗仁去皮

蚌粉 甘草炙各半兩藿香 枳殼去瓢各一錢半紫蘇葉少許木

香不見火石連肉去心嫩黃耆各半兩

右為末每服一錢烏梅湯冬瓜子仁陳米調皆可

保命丸出聖惠方治小兒慢驚風及天漸驚熱

牛黃細研乾蝎微炒白殭蠶微炒蟬殼微炒天麻 白附子

炮犀角屑 天南星炮製青黛細研硃砂細研麝香細研天

漿子麪炒令黃去殼各一分蟾酥半分

右為末用獾猪膽汁和丸如菉豆大不計時候用薄荷湯下三丸又以水化二丸滴入鼻中令連連嚏後再服更在臨時量兒大小加減

丁香丸 出聖惠方 治小兒慢驚風兼有疳氣壯熱及乳哺減

少

母丁香 半錢 胡黃連 半分 盧會 半分 雄黃 半分 硃砂 一分

細研 牛黃 半分 蝎稍 一分 麝香 一分 青黛 一分 膩粉 一分

半分 白附子 一分 天竺黃 一分 鉛霜 半分

右為末取五月糲子尖和丸如菉豆大不計時候以粥飲下三丸量兒大小以意加減

犀角丸 出聖惠方 治小兒慢驚風搐搦煩熱

犀角屑 一分 蟬殼 二七枚 烏蛇 半兩浸酒去皮骨炙令黃 牛黃 一分

細研 青黛 一分 天漿子 二七枚 地龍 一分 蟾酥 半錢

上焙 硃砂 半兩 防風 半兩 麝香 一分

過研 水飛過 防風 半兩 麝香 一分

右為末入研了藥都令勻鍊蜜和丸如黍子大每服

以溫荊芥湯下兩丸先研一丸着新汲水化滴在鼻
 中得嚏為效量兒大小加減服之大人風癩取活蠅
 蝦蟲不拘多少研如泥生麩和丸如雞頭實大捏作
 餅子煨灰大煨每嚼一餅子煎荊芥湯下煎藥十九
 更量大小虛實加減

聚寶丹 出直指方 傳慢可用

人參 茯神 琥珀 天麻 直殭 麩炒 防風
 南星 白附生 蠟炙 烏蛇肉 酒浸焙 硃砂 半錢

麝香 少許

右為末鍊蜜和丸如梧桐子大每服一丸菖蒲湯調
 下

調中湯 治急驚和胃氣止吐瀉溫中正氣

人參 白茯苓 川白芷 白朮 石蓮肉 龍

腦 麝香 蘆薈 熊膽 膩粉 各半錢研 胡黃連

使君子 青黛 研各一錢 香墨 半兩研

右為搗羅胡黃連使君子為末餘研極細滴水丸

如梧桐子大每服二丸煎金銀薄荷湯摩下經縮取

惡物便安

龍腦丸出聖惠方治小兒慢驚風壯熱手足拘急

龍腦一分麝香一分硃砂一分白芥子一分阿魏一分

麵裏藿香炮天麻炮匾豆薑製木香炮陳皮去白粉草

半夏麴各等分

右為末薑棗湯調服

交泰丹出全嬰方治小兒因吐瀉之後變成慢驚累服熱藥

上熱下冷涎鳴氣粗服藥雖多止在膈上不入中此

藥治虛陽潮上發搐來去

黑鉛一兩硫黃各三錢水銀各三錢天漿子二十箇蜈蚣一條硃

砂各二錢附子炮去臍皮鐵液粉各二錢全蝎酒浸去蛇肉骨各一

錢麝香半錢槐柳枝各二寸細剉同鉛入銚子炭灰

手打旋入硫黃冷次入水銀煎為沙子為度地上出火氣

右為末薑汁煮糊丸如菜豆大三歲三丸米飲湯送

下食前如病熱速鍊蜜和丸如雞頭大一丸薄荷湯

化下本法作丸子鎮墜

鈎藤飲出全嬰方治小兒因吐瀉脾虛多因脾弱變成慢驚

鈎藤 蟬殼 人參 麻黃去節 防風一方用防風不用防已

殭蠶炒 天麻 蝎尾去毒炒 甘草 川芎各一分 麝

香錢一分 附子炮一分

右為末三歲一錢水半盞三片煎三分食前一方無

生薑煎

觀音全蝎散出和劑方治小兒因吐而傳慢驚外感風冷內

傷脾胃嘔逆吐瀉不進乳食久則漸漸羸弱大抵脾

虛則瀉胃虛則吐脾胃俱虛吐瀉不已此藥大能養

脾胃進美飲食

黃耆一分 人參一分 木香錢一分 炙甘草 石蓮肉炒 匾豆

炒白茯苓各一錢 白芷 全蝎 防風 羌活各一錢

天麻錢二分

右為末每服半錢一錢棗子半箇水一小盞煎至半

盞與服不拘時候慢脾宜尤服之此觀音散漢東王

氏所著調理嬰孩清神固氣補虛益脉開胃止吐醇
 乎醇至善者耶所因用藥截風者何止于危急之除
 却作兩餌投之先與生胃氣次服截風定癩如此療
 理不惟紆曲致緩又且未能藥于脾胃之間悟其至
 理兩劑一行或加白丸子拌和之乃盡其妙一方有
 神麴

再生丸 治小兒虛慢驚風搐搦項筋緊強手足逆冷
 腰背拘急

蜈蚣 一條酒浸 乾蝎 全者七枚 白殭蠶 直者
 炒丹砂 研各一錢 天南星 炮 白附子 炮 麝香當門子 各

枚薄荷心 七枚 龍腦 研 水銀 錫結炒子 棘剛子 二十枚

右為細末研勻以石腦油和劑油單裏每服旋作一
 丸如黍米大冷水化下須發前服必効後服服睡脾
 散

睡脾散 治小兒慢驚風

桑螵蛸 四枝 乾薄荷葉 乾蝎 全者 全參 乾山芋

天南星炮半夏生薑汁浸透切焙各一分

右為細散每服半錢麝香粟米飲調下

罷搐煎 治慢驚

丹砂研水銀 天南星炮膩粉研薄荷 白附子

炮乾蝎全者炒各一分

右為細末用石腦油和成煎每服一大豆許薄荷湯

化下

牛黃散出聖惠方 治小兒慢驚風壯熱發歇搐搦

牛黃一分麝香一分雄黃一分熊膽半分蘆薈一分硃砂半兩

水飛天竺黃一分夜明砂一分犀角末一分胡黃連末

分乾蝎一分

右為都研細令為散不計時候以薄荷湯調半錢服之量兒大小以意加減兼用少許吹入鼻中良

牛黃丸出聖惠方 治小兒慢驚風發歇不止

牛黃半兩天竺黃半兩犀角屑半兩芎藭一分人參一分

去蘆頭龍齒一分白茯苓一分麝香錢龍腦半錢胡黃

連兩半丁香一分鈎藤一分

右為末用水蜜和丸如菉豆大每服以粥飲下三九量兒大小以意加減

青黛丸出聖惠方治小兒慢驚風體熱多涎發歇搐搦

青黛一分牛黃一分硃砂半兩蝸牛一分炒

烏蛇一兩酒浸去骨炙令黃 乾蝎二七枚 胡黃連一分白殭蠶

一分白附子一分麝香一錢蟾酥三片如柳葉狗

膽二枚取炙

右為末入狗膽汁與糯米飯和丸如黃米大一二歲

兒薄荷湯下三九日三服四歲兒服五丸

如聖丸出聖惠方治小兒慢驚風精神昏迷痰涎逆上咽喉

中作聲有時口噤發歇搐搦

牛黃二錢犀角屑一分硃砂一分雄黃一分麝香一錢

研人參一分去蘆頭 白茯苓一分龍齒一分鈎藤一分羌活

一分蟬殼二七枚甘草半分炙

右為末研了藥同研令勻以棗肉和丸如菉豆大不

計時候犀角湯下三丸量兒以意加減

烏犀丸出聖惠方治小兒慢驚風搐搦吐涎

犀角屑一分羚羊角屑一分胡黃連一分麝香一分蘆薈一分

研雄黃一分硃砂一分丁香一分牛黃一分龍腦一分

研天南星一兩用酒一斤煮盡為度切破熬乾半夏一分漿子一

切破熬成

右為末入研了藥令勻內銚子火上化石腦油和丸如菜豆大不計時候以溫酒化下一丸金銀薄荷湯

下亦得

木香湯出直指方治慢驚慢脾得効

南星濕紙煨白附子焙天麻 木香 橘皮 白茯苓

苓 石連肉各一分黃耆 白朮 石菖蒲 甘草

炙各半分

右為粗末每服半錢薑棗煎服

安神膏出生嬰方治小兒心虛多驚恍惚不寧腹痛便青并

吐瀉之後欲生慢驚

硃砂錢二全蝎 人參 白茯苓 天麻 附子炮

川芎 乳香各一錢 麝香一 坯子半 又一方加琥珀

珀

右為末鍊蜜和丸如雞頭大三歲一丸薄荷湯下

醒脾散出醫方集成

甘草 白朮 人參 橘紅 白茯苓 全蝎已上

各半 半夏麴一分 木香一分 白附子四個 南星三枚 倉

陳米三百粒

右為細末每服一錢水半盞生薑二片棗子半枚煎

至二分逐旋服之不可一頓服之必吐

續命湯一名寬筋湯 出全嬰方 治小兒吐瀉之後因虛生風瘈瘲

神昏涎盛不利應是慢驚虛風並宜服之

麻黃去節炮 半兩 防風一分 芍藥 附子生 人參 川

芎 白朮 防已各一兩 黃芩一分 桂枝一分 甘草各半

右為粗末三歲一錢水半盞薑三片棗子十枚煎三分去渣食前加麝香蝎尤妙有汗者去麻黃

全蝎觀音散 治外感風邪內傷脾胃以致脾虛吐瀉

俱下急宜服以防慢候

全蝎二十箇 天麻 防風去蘆 羌活各五錢 川白芷 黃

耆炙蜜 甘草炙各二錢 赤茯苓去皮五錢 人參去蘆二分 縮砂仁五錢

匾豆薑製二錢

右為末冬瓜仁棗湯調下

香餅子出直指方 治慢驚初傳涎潮昏搐

麻黃纏匝慢火炙乾又 花蛇肉 烏蛇肉并酒浸焙直

殭蠶炒各一分 白附子焙 人參 天麻 防風各一錢 乳

香半錢 麝香一分 全蝎十四箇蘆汁漫

右為末用南星末煮糊丸如梧桐子大捏作餅子日

乾每一二餅子薑湯調下

天麻丸出聖惠方 治小兒慢驚風熱筋脉跳掣精神昏亂風

涎不利宜服

天麻一兩 乾蝎一兩 白殭蠶一兩 防風一兩 甘草一分

雄黃一分 牛黃一分 麝香一分 硃砂一分

右為末研入硃砂等四味令勻鍊蜜和丸如菉豆大
不計時候薄荷湯化破三丸服之看兒大小臨時加
減服之

蝎稍膏

一名蝎稍膏
出醫方抄選

治慢驚久不瘥尤宜服之

直桑螵

七箇

天麻

兩半

麻黃

一兩

蝎稍

一分

者微炒以上搗
羅為細末次用

硃砂

半兩

乳香

一分

鵬砂

錢

龍腦

右都一處拌勻鍊蜜和成膏如芡實大用金箔裹之

每服一粒煎荊芥薄荷湯化下

天竺黃散

治小兒慢驚風久不瘥

天竺黃

人參

胡黃連

使君子

炮各一分

半夏

三枚薑汁浸炒

丹砂

研

麝香

研各半錢

蝎稍

炒

甘草

炙各一分

右將八味為細散入丹砂麝香研勻每服一字字冷

蜜調下熟水亦得量兒大小加減服之

羌活煎 治小兒慢驚風內外俱虛

羌活

去蘆頭

防風

去桂皮

獨活

去蘆頭

人參

各一分

白

右為末研入硃砂等四味令勻鍊蜜和丸如菉豆大
不計時候薄荷湯化破三丸服之看兒大小臨時加
減服之

蝎稍膏 一名蝎稍膏 出醫方抄選 治慢驚久不瘥尤宜服之

直桑螵 七箇 天麻 兩半 麻黃 一兩 蝎稍 一分 白殭蠶 一分

者微炒以上搗 硃砂 半兩 乳香 一分 鵬砂 一分 麝香 一分

羅為細末次用 錢龍腦 兩半

右都一處拌勻鍊蜜和成膏如芡實大用金箔裹之

每服一粒煎荊芥薄荷湯化下

天竺黃散 治小兒慢驚風久不瘥

天竺黃 人參 胡黃連 使君子 炮各一分 藿香 半

半夏 三枚薑汁浸炒 丹砂 研 麝香 研各半錢 蝎稍 炒 甘草 炙各一分

右將八味為細散入丹砂麝香研勻每服一字字冷
蜜調下熟水亦得量兒大小加減服之

羌活煎 治小兒慢驚風內外俱虛

羌活 去蘆頭 防風 去義 桂 去皮 獨活 去蘆頭 人參 各一分 白

附子兩半乾蝎全者白殭蠶炒各一錢水銀 硫黃各二錢研

右搗羅八味次鎔硫黃成汁次入水銀為沙子放冷細研入衆藥末用棗肉蜜和成煎每服一大豆許煎防風湯化下紫參人參湯亦得一方去白殭蠶加茯苓一分

蟾蝎散出直指方治慢驚身熱痰滯

大乾蟾一箇酥塗炙黃直殭蠶 蟬殼 蝎尾各焙白附子

微五靈脂 蘆薈 琥珀各一分硃砂一錢麝香半錢

右為末每服半錢防風煎湯調下

清脾飲出全嬰方治小兒傳慢驚尚有陽証或因吐瀉多

困不醒欲生風候

人參 白附子 南星炮半夏炮七次全蝎 殭蠶

白朮 川芎 羌活 甘草以上各等分

右以咀三歲一錢水半盞生薑三片各瓜子仁三十

七粒煎三分去渣無時溫服

萬靈丹出聖惠方治小兒慢驚風多涎腹脹潮熱發渴搐搦

牛黃一錢麝香半錢熊膽半錢膩粉半錢乾蝎五枚

微炒一分砂一分巴豆三枚木香半錢白附子三枚

蟬殼七枚

右先搗羅四味為細末次入六味同研勻鍊蜜為丸

如黍米大每服三丸煎薄荷荊芥湯下量兒大小加

減服之

龍腦丸出聖惠方治小兒慢驚風及疳熱

龍腦一分丁香一分硃砂一分麝香一分蟾酥半

研入牛黃一分犀角末一分雄黃一分天竺黃一分

右都研令勻用猪膽一枚別入雄黃末一分入在猪

膽內繫却以漿水一碗入銚子內煮盡取出與藥末

和丸如黍米大三丸以溫水下一丸子研破吹入鼻

內得嚏為効

硃砂丸出聖惠方治小兒慢驚風四肢拘急心胃痰滯身體

壯熱

硃砂半兩牛黃一分天麻半兩麝香半兩天南

星半兩乾蝎半兩白附子半兩乾薑半兩巴豆炮製

半兩去心皮 研壓去油

右為末鍊蜜和丸如黍米大每服以妳汁下一丸荆芥湯下亦得量大小以意加減

犀角散出聖惠方治小兒慢驚風心神煩熱多驚體瘦四肢

抽掣

犀角屑一分天麻一分白附子一分乾蝎一分硃砂半兩

細研水飛過膩粉半分麝香一分牛黃一分晚蠶蛾半分

右為細散不計時候龍膽湯放溫調下半錢量兒大

小以意加減

助胃膏出直指方治慢驚風吐瀉不進乳食

人參 白朮 石蓮肉各二錢丁香 檀香 舶上

茴香炒白豆蔻 木香 甘草各一錢

右為末粟米糊和丸如梧桐子大每一丸陳米飲下

脾困不醒用冬瓜子仁煎湯

一醉膏出全嬰方治小兒慢驚潮搐神昏不得睡亦治大病

後及擒捉風涎流滯手足不隨

乳香 天麻各二錢 麝香一字 安息香 全蝎 蜈蚣

各二錢 附子炮 麻黃去節 酸棗仁炒去皮 各四錢

右為末法酒同蜜熬熟為丸如雞頭大三歲一丸酒化下盡醉灌之得睡是驚効

醒脾散出活幼口議 治嬰孩小兒吐瀉不止痰作驚風脾困

昏沉默默不食

木香炮一錢 全蝎炒半錢 天參一分 白茯苓一錢 白朮炮一錢

甘草炙一錢 白殭蠶一錢 白附子炮一錢

右為末每服半錢大者加服水半盞棗子同煎五七沸通口無時服此良方最為穩善小兒吐瀉脾虛作驚疾神困氣弱沉沉默默皆脾經虛乏已甚風痰併聚故爾不醒宜多與服仍如既濟丹及觀音全蝎散俱良其痰復有引掣搐搦未退者弗與驚風丸散及腦麝寒涼等藥其證與惡其候愈盛不惟驚風未退且痰熱之盛兒即作傳變傳即慢脾變即陰逆慢脾

猶載方藥尚可理之陰逆之候何可醫治陰逆者陰謂陽氣于絕逆謂受證不順不順欲絕但增吁嗟使無所措手足醒脾良方豈可隱匿

辰砂蠟稍膏出百一選方

辰砂研青黛研天竺黃研全蝎五箇天麻一分麝香一字

龍膽半錢研白附子一錢半生用金箔二十葉

右研勻以生薑蜜和膏每服一皂子或兩皂子量兒大小加減用生薑或薄荷湯研化下

保生丹出直指方治慢驚尚有陽證

全蝎青者十箇防風各二錢白附子炮殭蠶錢蟬蛻

牛膽 南星 琥珀 硃砂一錢麝香半錢

右為末粟米糊為如梧桐子大薄荷湯吞用一方金箔為衣凡吐痢慢驚慢脾緣小兒脾胃虛弱乳食不可過飽再傷脾胃

防風丸出危氏方治慢驚不省手足微動眼上視昏睡

天麻 防風 人參各一錢全蝎去毒七箇殭蠶炒斷粉

草各五錢 硃砂

雄黃各三錢半 麝香半錢

右為末練蜜和丸小指大人參湯化下一丸不以時
候冬瓜仁湯尤妙

琥珀丸 治慢風

琥珀研 犀角屑

各一錢

真珠末

二錢

天南星

酒浸麩牛炒二錢

黃研 龍腦 麝香

研各一字

丹砂

研一分

乾蠍

七枚全者妙

右為末鍊蜜丸如雞頭實大每服一丸煎菊花湯下
摩化龍腦丸 治小兒慢驚風潮發以熟為度

水銀分 金箔

二十片

銀箔

二十片已上三味細研為子

右為末都研令勻以鍊蜜和丸如黍米大每服以温
酒下三丸量兒大小以意加減

保生丹

出聖惠方

治小兒慢驚風多涎昏悶或口噤搐搦發

歇時作

硃砂

半兩細研水飛過

天麻 白附子

半兩炮製

白殭

半兩微炒

乾薑

一分炮製

乾蠍

半兩頭尾全者微炒

牛黃

一分細研

麝香

一分細研

右為末入硃砂等同研令勻鍊蜜和丸如麻子大不

計時候以金銀湯下三丸量兒大小以意加減

治慢驚風

試問慢驚如何治大概元來同吐痢附子豆蔻南
木星加入勝紅為妙劑勝紅如何有加減法製南
星牛膽冬瓜子仁蠟茶調醒脾散風回陽

右為細末薄荷湯下加乾薑

硃砂丸出聖惠方治小兒慢驚風搐搦發歇不定喉中涎聚

時作聲漸覺虛羸不乳食眼澁多睡驚癇

硃砂半兩細研雄黃半兩細研牛黃一分細研龍腦一分細研乾

蠍半兩微炒膩粉一分水銀半兩以鉛一分結為沙子硃砂一分細研

右研水銀沙子令細即與諸藥同研入棗肉和丸如
菜豆大百日以上兒以薄荷湯下一丸一歲兒二丸
一二歲取下粘涎惡物為效此藥慢善不瀉但是虛

困瘦瘁宜與服之神驗

天竺黃散出聖惠方治小兒慢驚風體熱搐搦

天竺黃半兩細研川大黃三分剉天麻半兩栢枝半兩蟬

殼一分白附子一分鬱金半兩乾蠍一分
微炒炮製微炒

右為細散不計時候以乳汁調下一字量兒大小加減服之

天麻丸 治小兒慢驚神識昏塞時發時省手足搐搦
目睛直視

天麻 白殭蠶 乾蠍去土白附子各二錢牛黃研

丹砂研麝香雄黃研一錢

右為末鍊蜜和丸如雞頭實大每服一丸薄荷湯化

下量兒大小加減服之

釀乳酒法出醫方集成治吐瀉成慢驚睡多驚哭凡面黃脉

細難治慢脾虛風宜暫斷乳令兒飢甚以釀乳法乳之

人參 木香 藿香 沉香 橘皮 神麴 麥

藥 丁香減半餘

右吹咀每服四錢水一碗薑十片紫蘇十葉棗子三枚砂瓶內煮至半碗乳母食後捏去奶汁盡方澄服

半盞服即仰卧霎時令藥入乳之絡次令兒喫數口
 不過飽此乃良法也嘔定一日了急宜截風宜服八
 仙散後醒脾散一方用縮砂仁散虛甚加白薑痢不
 止加訶子吐不止加薑汁吐後生驚歌曰吐乳從來
 胃氣實妳滿胃中生吐逆吐多遍身身有風氣生驚
 邪本是從斯得吐定無過腦後温吐妳來無變色先
 與定吐後祛風如此醫流無費力

丙丁膏 一名神麴餅 子出全嬰方 治小兒吐瀉之後精神倦怠多睡

不雀不思飲食四肢逆冷啼如鴉聲咽喉不利丙日

作麴丁日合藥 方見本門一 切驚風類

烏沉陽 出直指方 治慢驚驅風助胃

天麻 錢二 人參 真川烏 生 全蠍 焙 南星 炮 沉香

木香 各一錢 甘草 炒半錢

右剉散每服三字薑三片慢火煎取其半與之

青金膏 一名青龍膏 子出全嬰方 治吐痢生風變成慢驚尤宜服之

兼治急慢驚風身體強涎潮昏塞

烏蛇稍

一分酒浸一宿焙乾

乾蠍稍

一分

天麻

一分

附一枚

青黛

一分麝香

天竺黃

一分

右先將烏蛇稍肉等五味先搗羅為細末次入青黛

等三味拌鍊蜜成膏如皂子大煎人參薄荷湯化下

鈎藤飲

一名蟬殼飲出衛生家寶方

治小兒吐痢後藏虛慢驚平定

時瘕痰多睡眼上視乳食不進

鈎藤鈎子

三川芎

白殭蠶

去嘴炒

蟬蛻

去足各蛇

皮 甘草

炙各一分

蜨娘

炙五枝去頭翅足

附子

炮去皮臍

右為末每服二錢水一盞煎至六分去渣溫分三服

急驚有熱證去附子

緩驚紅餅子 治慢驚

山藥 茯苓 乳香 赤石脂 白朮 全蠍

甘草 已上各等分

右為細末鍊蜜為丸如餅子一方用五靈脂

天漿子丸 治小兒慢驚風發歇不定

天漿 二七枚麩炒

蟬殼

二七枚微炒

棘刺

三枚微炒

蠶紙

一張 防風 一兩 去 硃砂 一分 麝香 一分
燒灰 蘆頭 細研

右為末都研令勻鍊蜜和丸如麻子大一二歲每五
丸連夜三服量兒大小以意加減

七聖丹 治小兒慢驚風面青口噤四肢急拘喉內多

涎發歇搐搦眼目上視 一名延生丹 一名七聖散

硃砂 一分 牛黃 一分 麝香 一分 蠍尾 七枚 白殭蠶

七枚 微炒 羌活 一分 天南星 半兩 細研

右為末用棗和丸如菜豆大不計時候以薄荷湯下

三丸看兒大小加減服之

白殭蠶散 出聖 惠方 治小兒慢驚壯熱四肢拘急痰涎壅滯

發歇不定

白殭蠶 一分 蟬殼 一分 蠍尾 白附子 一分 炮 蘆

薈 一分 五靈脂 一分 蟾頭 一枚 塗 酥 硃砂 一分 牛黃

半分 細研 壁宮子 三枚 塗 酥 麝香 半分 雄黃 一分

右為細散入研子藥令勻不計時候以薄荷湯調下
半錢看兒大小加減服之

靈脂丸 出直指方 治慢驚痰盛搐搦

五靈脂 香潤者 白附子 畧炮 木香 直殭蠶 炒各一分 全蠍

焙半 硃砂 錢一 天南星 濕紙炮半兩

右為末米醋煮生夏半糊為丸如麻子大每服三九

薑湯送下

辰砂丸 出全嬰方 治小兒慢驚風搐搦及天癇癇病

蝎尾 二十箇 牛黃 麝香 各半兩 附子 二箇 雄黃 少許 硃

砂 錢一 巴豆 七箇好者燈上燒 央焦黃去皮用肉

右為末寒食日蒸餅為丸如小豆一歲一丸荆芥湯

下衣被蓋少時汗出如天癇搐搦開口不得者便用

蒜入鹽同擣塗藥一丸在兒後心上以前蒜作餅蓋

之以帛係定更後服一丸化破入麝香少許以前湯

下覺口內蒜氣渾身汗出者六効須是端午日合忌

雞犬婦人見

神寶丹 出全嬰方 治小兒或先吐後瀉或先瀉後吐俱發之

後變成慢驚者

附子

米泔水一盞薑半兩研浸三日次用合粉炒製去皮臍半兩

羌活 硃砂

蝎尾

兩半南星 兩箇各重半兩去皮臍劉棊子片酸漿一碗薑一分切片子煮酸漿水浸去薑

焙乾半兩牛膽中南星炒麝香 乳香 各一分

右為末煉蜜和丸如雞頭大三歲者半丸薄荷湯化

下小可驚瀉便青腹痛與少許服力効如小兒只吐

不瀉發急驚以紫丸重瀉五七行後與此藥並食前

或以珍珠丸亦得

紫霜散 治小兒慢驚風潮發搐搦項筋緊強

白花蛇

酒浸一宿去皮骨一兩

鐵粉

半兩研

丹砂

研

蝎稍

各一分麝香 一錢研

右為細末散每服半錢薄荷湯調下不拘時

星香全蝎散

出直指方治慢驚風昏迷痰搐方見本門一切驚風類

神寶既濟丹

出活幼口議

治小兒分陰陽平冷熱定吐瀉豁

痰涎或已作風候不可下者

硫黃

硫黃

陳橘皮

青橘皮

並去白

五靈脂

川者

良半夏麴

多炒皆可

右等分為末硫硝二味和研令勻一處用磁器銕汁
 傾出候冷研細旋入諸藥和勻秫米粉水煮糊為丸
 如小豆大每服二歲兒服三十九大者加之並溫飯
 飲下空心食前此藥均分陰陽二氣多服有益陰
 陽二氣不均冷熱相制驚風已作搐搦不定或陽虧
 陰盛或陰虧陽盛或驚風未散吐瀉不止或嘔逆或
 發喘或脚手漸冷或眼目欲合或服涼藥太多或虛
 損不定或沉沉默默不省或恍恍惚惚生驚但胃氣

未脫速與服之若是危急不待作丸子只以溫飯飲
 調與服以愈為度若脚手冰冷者服之立溫未止者
 服之立止雖慢驚慢脾風候宜與服仍如薄荷湯便
 尤良

竹瀝膏

出全
嬰方

治小兒久患脾虛發搐慢驚潮歇

附子

炮一錢

厚朴

薑汁浸一宿焙乾

白朮

蜜炒各一分

麻黃

去節炒半

錢犀角屑

一錢壞乾

全蝎

二十七箇薄荷汁浸一夕焙乾

右為末竹瀝為丸如雞頭大三歲一丸薄荷湯化下

無時

治慢驚 出楊氏寶著

赤脚蜈蚣

一條頭尾全者酒塗炙

白殭蠶

七箇炒

蜃砂

一字別研麝

香 少許別研

青州白丸子

三十粒

全蝎

七箇頭尾全者各用生薄荷葉包定

外以麻線係定火上炙

右為末將人參麥門冬湯調下急驚加腦子牛黃各

少許煎金銀薄荷湯調服之又一方化蒸餅為丸

續經驗治法前件藥如俱用不効危用可憂須診衝

脉未絕在兩足面間當灸百會取前後髮際兩耳尖

折中乃是穴也方書所載但云頂上旋毛中殊不審

有雙頂者又有毛旋不正者庸庸之輩只循習舊本

誤人多矣灸後即當控涎 青州白丸子未再煎如

稀糊入蜜冷熱得所調奪命散服之良久涎下細研

靈砂米飲調和旋抹口中如證漸退而風未除服八

仙散昏困服醒脾散常令減乳妳子服釀乳藥如此

調理無不更生間有稟受不足本氣素弱五行修短

雖有神聖工巧靈丹妙劑不能奪其造化此乃曉然之理學者不可不審若涎已膈但有喉中如鋸藥不能入又不可控當別法療之然搐鼻噴嚏得出次服奪命散無免再潮

溫白丸

出全嬰方

治小兒脾胃氣虛困頓洩瀉冷疝洞利及

吐瀉之後或病久變或慢驚身冷瘕瘕

天麻

半兩

僵蠶

去嘴

白附子

全蝎

南星

右為末寒食麵煮糊為丸如小豆大三歲三十九薑

湯下食前如作散薑煎尤妙漸加服一方加附子一分

五靈脂丸

出全嬰方

治小兒因吐瀉之後變為慢驚發歇不

定

蟬蛻

一分

附子

炮去皮臍一作白附子

五靈脂

南星

乾蝎

各半兩

麝香

一字一方不用麝香

右為末酸醋一盞藥末半兩同熬成膏次入餘藥并麝香和為丸如雞頭大三歲一丸乳汁化下金銀薄

荷湯服亦得鼻上汗出為效

定命飲子

出活幼口議

治嬰孩小兒吐瀉脾胃虛弱發作慢

驚風候搐搦不已醫工截風不止取痰不下散熱不退即驚不去其証欲傳慢脾風候

天麻散 治急驚風

半夏

揀羊眼者半分

天麻

一分

甘草

炙

茯苓

白朮

老生薑

各二錢

右用水一盞磁器內煮令水乾將半夏天麻白朮茯苓切焙為細末每服半錢或一錢生薑棗子湯調與服

無時一方用半夏七錢天麻二錢半甘草等四味各三錢一方有木香無天麻 此方健脾化痰去風散熱功效如神醫工少有知用初學之士只知有腦麝香爨者方用之俗夫便言好藥殊不知腦麝乃醫家出不得已用之其物通關竅開閉塞疎腠理利骨節其藥屬陰能化于陽只有急驚宜用慢驚慢脾傷寒等患悉宜禁止其或疳痢藥用之虛者亦禁惟有瘧瘵癩癩宜用定命飲子屢經效驗野老處定此方其

功造化深智高明往往能銷痰搦連併脉息怯不敢頓下者宜與靈芝丸若手足瘡冷連兼進回陽行醫用藥至于此等証候乃主治活傷權也

乾蝎天麻散出御藥院治小兒慢驚風

乾蝎全者十枚炒蔓陀羅七朶重一字天麻二錢半乳香研天

南星炮丹砂研各一分

右為細末每服半錢薄荷湯調下不拘時

快脾湯出直指方治慢驚脾困不食和胃祛風

天南星一箇剉如碁子塊生薑一兩切川厚朴一兩剉碎水三升同煮令南星透去薑朴只

用南星切焙白茯苓半兩木香兩人參兩天麻各二錢半全蝎七箇

右為末每服半錢甘草生薑煎湯調下

桃紅散 治小兒慢驚風手足瘳癢神情如醉

天南星炮烏頭炮製去皮臍白附子炮天麻各半兩乾蝎半兩

微炒二枚丹砂研一分

右為細散每服一字或半字旋牛黃龍腦各少許煎

麻黃湯調下日三服

珍珠丸出聖惠方治小兒慢驚風墜涎

珍珠 牛黃 丹砂 雄黃 膩粉各一分研

右為合研勻細用粳米飯和丸如黃米大一二歲兒每服三丸薄荷湯下日三更量兒大小加減

蜃砂膏出活幼口議治嬰孩小兒慢驚風傳脾風傳慢候有

冷痰在膈潮作不散此疾虛久不可頓下其兒搐緩昏困至重者

大黑附子一箇八九錢者去皮項上刻一孔入粉霜礪砂各半錢內在孔中因附末塞燒

灰存性天南星炮半兩蝎稍 羌活各一分硃砂半兩飛過

右為末以硃砂和勻鍊蜜為丸如雞豆大每服一九

至兩丸金銀薄荷入酒三五滴點化與服一方麝香

薄荷湯下 此三方皆用黑附子直不可執謂性熱

兒在幼小礙與服之兒患脾風脚手冷者有微有暴

審其輕重輕即用湯盛即以丸重即以膏服之皆効

須候手足煖陽氣回即為之快矣既以溫煖更以醒

脾正謂藥煎服除是慢驚傳入慢驚候方可與服
硫黃其功甚速又且逐風化痰醒脾胃正溫煖臟腑
補益腸胃奪命回陽省活危困至良至驗切不可愴
惶妄投丸散或爾大過不及之時則致咎于後萬宜
孚受不至誣涎故也

天南星丸

出直指方

治慢驚痰壅惟身熱者可服

天南星

一斤每重一兩上下者用溫湯浸洗刮去裏外浮皮並虛軟處令淨用法酒浸一宿

用桑柴蒸不住添熱湯冷入蒲甑內氣猛便不住洒酒常令藥潤七伏時滿取出用銅刀子切開一

个大者嚼少許不麻舌為熟末即再炒候熟用銅刀切細焙乾

麝香

研各一兩

龍腦

研一兩半

蜃砂

別研水飛二兩用一半為衣

右為細末入研藥勻鍊蜜并酒丸硃砂為衣每服一
豆許生薑煎調下

蝎附散

出危氏方

回陽氣豁風痰

全蝎

七箇

附子

炮二錢

南星

炮

白附子

炮各一錢

右為末每服半錢薑四片慢火熟煎旋服

黃連丸

出聖惠方

治小兒慢驚風心胃痰涎腹內壅悶或搐

搗

黃連一分青黛一分麝香一分硃砂一分巴豆霜兩半

右都研令細用猪膽汁和丸如黍米大每服以薄荷湯下三丸量兒大小加減服之

乾蝎丸 治小兒慢驚風

乾蝎五枚全細辛去苗乳香研各一分青黛研白附子

炮各半兩

右為細散每服半錢煎冬瓜子湯調下不拘時

丁香丸 治小兒慢驚風吐逆不定胃虛生涎多驚饒

睡

丁香一分半夏三枚湯洗十遍焙乾為末蝎稍四十九枚炒為末水銀

鉛各一分二味結為子

右合研勻細用熟棗肉和丸如菉豆大每服五丸至七丸量兒大小加減並用荆芥薄荷湯下大人虛風

痰丸如梧桐子大一服七丸至十丸

麝香散出聖惠方治小兒慢驚風及天癩

麝香一分膩粉一分牛黃一分乾蝎一分附子一分

右為細散不計時候以薄荷汁調下一字量兒大小

加減服之

硃砂散出聖方治小兒一臘後月內忽中慢驚風及無辜

之候

硃砂一分牛黃一分麝香一分乾蝎十四枚雀兒

飯甕十枚麩炒令黃去殼

右細研為散不計時候以乳汁調下半錢薄荷湯調

下亦得更量兒大小以意加減

迴生丹出聖方治小兒慢驚風痰涎壅悶發歇搐搦

天麻一分白附子一分白殭蠶一分桃膠一分

天南星一分炮製

右為末以爛飯和丸如黍米大每服以溫薄荷湯下

三丸量兒大小加減服之

返魂丹出聖方治小兒慢驚風及天癆夜啼

蝙蝠一枚翼腸一分人中白一分乾蝎一分麝香一分

肚炙焦黃

普濟方

五

右為細散入中白等同研令勻煉蜜和丸如棗豆大每服以汁研下三九大小加減

小黑膏

一名小黑散出鮑氏方

治傷寒風發搐及慢驚風鼻流清

涕及傷寒風癩

南星

三箇燒存性

川烏

三箇燒存性

玄參

四錢

大薄荷葉

四錢

右為末鍊蜜和丸如龍眼大每服一丸煎薄荷湯化下蘇沈良方與此同心烏各一箇薄荷玄參各五錢一方作散每服一豆許蜜和葱白用研細白湯調

下如筋脉緩急乳香同葱白煎湯下

羌活丸 治小兒慢驚虛困痰涎不利

羌活

去蘆頭一兩

白殭蠶

炒半兩二味擣末

硫黃

水銀

各半分二

味結砂子研

右為合研勻細鍊蜜和丸如豌豆大四五歲每服二丸三歲以下一丸煎金銀荊芥薄荷湯化下

理中湯

人參 蘆白朮

白殭蠶

炮

甘草

炙各等分

右為末薑棗煎服手足厥冷加附子炮回陽

犀角散

出活幼口議

治嬰孩小兒因吐瀉神困力乏欲傳作

慢驚風候

犀角

鎊一錢

白朮

二錢水煮過

甘草

炙半錢

陳皮

舊者良去白一分

右為末每服一錢水一中盞金銀薄荷同煎三五沸

通口無時服 此方治小兒吐瀉神困力乏欲發慢

脾風候正謂救急不可令緩若已傳受即風即熱即

驚交相致作神散不定上竄搐搦悉由脾虛之所致

也脾經既虛次第胃虛其藥白朮陳皮預理脾胃犀

角退熱去風熱既不作痰無發生醒脾壯胃風何得

有漸見甦省兼與醒脾散及既濟丹相間服一向取

愈為良其方全不用逐風化痰之藥者蓋是證候欲

作慢驚所以未宜先投緊藥故用此方調之和劑一

正是其脾氣得無傳變不勞療理簡徑微沙稽首智

者作之施功利益而已

療痰方

出湯氏寶書

川烏尖 附子尖 各七箇生 去皮用 蝎稍 七箇 石綠 少許

右為末和勻用軟雞翎上藥入喉中逐旋惹出頻用

怕子拭之

定吐截風回陽 出湯氏寶書

金液丹 青州白丸子 五靈脂 一錢 青皮 末一錢

右和劑蒸餅糊丸如黍米大米湯送下大小加減服

之

丁附湯 出危氏方 治吐瀉虛脫成慢驚風困而不醒

右用大附子或炮製去皮臍剉散每服一錢水一盞

生薑五片丁香五粒煎五分更量大小與之急無丁

香亦可屢收奇効

豆卷散 治小兒慢驚多用大温及熱藥治之有驚未

退而別生熱証者有病愈而熱証者有反為急驚者

甚多當又得病幾日又何以得之曾以何藥治之可

用解毒無有不効 方見本冊急慢驚風類

蟬蝎散 指出直指方 治方傳慢驚及驚風積熱

全蝎 七箇去尾尖

蟬殼 二十箇

甘草 二錢半炙

天南星 一箇 爐香

四聖散

出直指方

治慢驚痰滯虛熱若有竅視搐搦證壯

以少許冊管吹入鼻中

全蝎

七箇直

天南星

七錢半

真川烏

三錢三分并生

用

右將南星為末水調作餅裹蠶川烏外用溫紙重炮慢火中煨令赤色頓地一上一伏時為末每服煎金

銀湯點好茶清少許調下

黑附湯

出直指方

治小兒慢驚風

天南星

一兩細剉水二盞微火熬至半盞去渣重熬成膏

白附子

半兩炮製

天麻

乾蝎 一分炒

右擣羅三味為末入天南星膏內和丸如菉豆大三

五歲兒每服二丸薄荷湯下五六歲兒三丸日在服

更量兒大小加減不拘時一方無乾蝎

右方 出聖惠方

雀兒飯糶三枚有蟲者 白殭蠶三枚微炒 乾蝎三枚微炒

右為細末每服以麻黃湯調下一字日三服汗出為效三歲已上即加之

玉液丹出聖惠方 治小兒慢驚風及天癆熱疳心驚悸等証

白附子一分生用 赤箭一分 白殭蠶一分 膩粉一分

右以三味搗羅為末入膩粉同研令勻鍊蜜和丸如麻子大二歲兒每服以熟水下三丸三四歲每服五丸日二三服量兒大小以意加減

天漿子散出御藥院 治小兒慢驚風

天漿子有蟲去 白殭蠶炒 乾蝎各二十箇炒

右為細末每服一字煎麻黃湯調下或薄荷湯下無時日三隨兒大小加減之大有効

南星飲出危氏方 宣利過多脾困眼慢涎盛四肢不舉不思

飲食

大南星三箇炒赤令熟 冬瓜子仁 白匾豆各一兩

右為末每服一錢薑二片防風少許煎湯調服

川烏散

出直指方驅風回陽 方見本門

附硫丸

一名小續丸 出活幼口議

治嬰孩小兒慢脾風四肢厥冷伏

之由徒

方見本門 慢脾風類

南附湯

出危氏方

治洩瀉虛脫生風名慢驚風及因服冷藥

多者

南星

生附子

二錢 全蝎 五箇 去毒

右劉散每服二錢水一盞生薑三片煎五分量兒大

小旋服

麻黃散

治小兒慢驚風因轉瀉虛極多睡善欠醫所

不能療

麻黃

七節以兒中指節比

薄荷

全者 七葉

乾蝎

全者 一枚

右各炒黃色合搗研為細散每服半錢温薄荷水調

下更量兒大小加減服後畧以衣被蓋之汗出立瘥

麝香餅子 治小兒慢驚風涎塞咽喉服利藥過度

麝香

研膩粉各三錢 七分

定粉

一錢

右研令勻細以香墨研濃汁和丸捏如匾豆大每服

一餅薄荷湯化下

治小兒慢驚風

生菜 薄荷 荊芥

右各等分擣滴汁數點以口滓繫于臍中

乳香丸 治小兒慢驚風心神悶亂煩懊不安筋脉拘

急胃虛蠱動及折啼叫

乳香

盞子內鎔過研半錢 胡粉一分

右合研勻細用白頸蚯蚓生捏去土爛研和就為丸

如麻子大每服七丸至十五丸煎葱白湯下更量兒

大小加減

烏頭丸

出醫方集成

治小兒慢驚百藥不効者及驚風手足

搐搦涎潮上壅

大川烏頭

去皮臍生用

全蝎

各等分

右吹咀每服半兩水兩大碗生薑五十片煎至三四

分去渣逐旋以藥注灌之

董陸香丸

出御藥院

治小兒虛風慢驚潮搐瘈瘵安魂益

心氣

血竭兩半乳香二錢半

右同研細用火上炙乾時滴水丸如酸棗大每服一丸薄荷酒化下不計時候如夏月嬰兒患此証為細末薄荷人參湯調下不拘時候

天王散出全嬰方治小兒吐瀉或慢服冷藥脾虛生風成慢

右用南星一箇重八九錢已上取地坑子深三寸炭火五斤燒通赤入好酒半盞然後以入南星却用炭

三兩條蓋却坑子後南星微製取出剉碎再炒熟為末用半兩天麻一錢麝香一字和伴三歲半錢生薑防風湯調下亦治允嗽惡心可食

七寶妙砂丹出活幼口議治嬰孩小兒慢驚風及慢脾痢疾

竒効須以木香佐之候神情昏睡困膈上有虛痰不能得化不可服巴豆輕粉恐動臟腑只將神仙所留妙方與服其痰須臾自下良久神情已定眼目微開漸與溫平藥調理胃氣兼順理驚風藥與服勿更

攻繫其乃一文開元通寶銅錢名七寶妙砂丹開元錢樣

①其錢背上下有兩月子只有一箇月子者不用錢色
淡黑小于諸錢將錢頓鐵匙頭于炭火內燒霎時羅
上下各出黃白珠子遍匙都是將出候冷傾放茶
盞中入硃砂末少許只作一服煎金銀薄荷湯送多
收此錢准備緩急或先燒成硃子收拾亦得此方墜
下小兒虛痰別無他者用之乃保十全功效一方用

南木香煎湯送下或人參湯下 調治嬰小兒慢驚
風候無過前件藥對証尅効須審慢脾已傳未傳之
理其兒眼開未合上有慢驚脚手不冷之時未可便
與回陽且與七寶妙砂丹一二服眼合沉困陰証極
盛者方可與服回陽醒脾湯劑手足漸暖仍與觀音
全蝎散兼服凡慢脾風候最為惡証只可前方調治
雖曰急緊不得病雜用之泛泛為益無枉勞其功虛
涎其後候閑養其疾此疾傳陰陽重病盛如燈無油

只見次第蛻去若不助陽生胃只知截風驚兒疾轉見增重且兒陰証未至十分與藥如太寒涼攻得陰重虧難以救療也失其陽氣隨陰而化所謂制之于未然醫慢脾風証候如其所述用藥猶可救活若鄙夫意見不同難以省活噓哉

羌活膏出錢氏方治脾胃虛肝氣熱盛生風取轉過或吐瀉後為慢驚者亦治傷寒用無不効

羌活去蘆頭 川芎 人參切去頭 白附子炮 赤茯苓去皮

各半 天麻一兩 乾蝎焙去毒 白蠶酒浸炒黃方可用 白花蛇酒浸

內焙乾取 川附子焙去皮臍 防風去蘆頭切焙 肉豆蔻 麻

黃去節各二錢 雞舌香即母丁香 藿香葉 沉香 木香各

錢 輕粉字一 真珠末 牛黃各錢半 龍腦字半 麝香一錢半

雄黃一錢 蜃珠一錢已上七味各別研入

右為細末熟蜜和劑旋丸大豆大每服一二丸食前薄荷湯或麥門冬湯化下實熱急驚勿服性溫故也服不拘時古今論雞舌香者同異紛紛或以為番棗

核或以為母丁香互相排抵竟無定說忠孝以謂最為易辨所以久無定說者或于其名耳古人論藥多以其形似者名之如烏頭狗脊鶴蝨之類是也番棗核母丁香本二物以其皆以雞舌故名適同凡藥物名同實異如金櫻地歸之類不足怪也如雞舌香二種名有主療番棗核者得于乳香中今治香疥藥多用之母丁香即丁香之老者極芳烈古人含雞舌者乃此類也今治中藥多用之所謂最為易解者

青金丸

一名二神丹 出續易簡方

用青州白丸子金液丹等分同研為細末麵糊和丸如黍米大量兒大小服二十九至三十九薑湯下方用泡蒸餅糊為丸如菘豆大溫熱水下未能嚥者青米飲調服丸痰多者加白丸子末瀉多者加金液丹末証候退即以六神散調補小兒胃脘痰喘吐逆欲生風者及作泄瀉並皆治之陳米飲下

麝香六神膏

出楊氏家藏傳

治小兒慢驚潮作口噤不如手足

瘰癧發歇無時

麝香一字別研 白花蛇頭一枚酒浸一宿 烏蛇尾五寸酒浸一宿 全蝎

七枚去毒炒焦 蜈蚣一條塗酥炙焦 棘刺子七條去殼取虫微炒

右件為細末鍊蜜和丸每一兩作四十九丸煎人參麻

黃湯化下不拘時候

香蠶散出楊氏家藏方 治小兒慢驚涎盛口噤昏塞頂背強直

手足搐搦進退不定睡卧多驚

白附子一兩炮 天麻 全蝎去毒微炒 白殭蠶炒去絲嘴 天南

星炮製 人參去蘆頭 附子去皮臍各二兩 甘草炙 硃砂別研 鈎藤

各一錢 腦子一字別研 麝香一字別研

右為細末半歲兒每服一字一歲兒服半錢煎荊芥

不拘時

雀瓮散出楊氏家藏方 治小兒慢驚潮搐口眼相引目睛上視

頭項姬折痰涎壅閉神志昏憤

棘刺子十枚去蟲微炒 全蝎三十枚去毒炒 草麻子二十枚去皮研 石榴

一枚大者去殼盛前三味藥在內用黃泥裹作毬慢火煨乾燒赤候開藥味透出紅熟候令取出去

泥細研次
入沒藥

白殭蠶

去絲
嘴炒

天南星

炮

半夏

湯浸七
遍去滑

白

附子

炮四味
各一分

乳香

別用

右件後四味為細末次入乳香并燒者藥同研勻半
歲兒每服一字一歲兒服半錢煎荊芥薄荷湯薑汁
兩三點同調下不拘時候

截驚散

出楊氏
家藏方

治小兒慢驚潮搐目睛斜視口眼牽引

牙關緊急胎風胎瀉悉皆治之

麻黃

去根節
秤一錢

麝香

一錢
別研

烏蛇頭

一枚酒
浸焙乾

蜈蚣

一條
塗酥

炙

全蝎

一錢去
毒微炒

川烏頭

一分炮
去皮臍

右件為細末次入麝香研勻半歲兒每服一字周歲
兒服半錢煎荊芥湯調下不拘時候

加減定命丹

出楊氏
家藏方

治小兒慢驚瘈瘲目睛斜視身體

強硬昏塞如醉及治胎風成癩發得不足荏苒經時

蟾酥

酒浸
一宿

牛黃

別研

硃砂

別研

甘草

別研

使君子

肉

犀角屑

洗

當歸

焙

燒灰烟盡地
上去火毒

羌活

去蘆頭十二
味各一字

全蝎

二枚去
毒微炒

子五枚去殼

取蟲微炒半夏湯洗七遍

天南星

牛膽製者

附子

炮去虎皮臍

骨蘸酒酥炙烏蛇

酒浸一宿取肉炙乾

乾薑

炮丁香

沉香

肉

桂去粗皮人參

去蘆頭

白茯苓

去皮

肉豆蔻

麩裏管熟去麩

白朮

已上十三味各一錢

右為細末煮粟米粥和丸如黍米大青黛為衣每服

十九丸荊芥湯下不拘時候

桃仁方

出王氏博濟

治小兒慢驚墜涎安蟲其狀多因久患

脾胃虛弱風邪中人而作此候

綠礬

一兩半赤脚烏半兩

右二味同研為細末稠麵糊為丸如菜豆大每服温

米湯下三九次喫補虛丸

新羅白附子

一兩湯泡去皮

大半夏

右二味各用白湯浸三日每日換水三度取出焙乾為末以生薑自然汁著兩錢薑末煮糊和為丸如菜

豆大每服三九温粟米湯飲下

醒脾散

出朱氏焦驗方

治慢驚吐瀉不止

肉豆蔻 檳榔 各一 胡棟 二十粒 茯苓 二錢 木香 藿

香 各一錢

右為末每服一錢用水一盞煎溫

麝香餅子 出楊氏家藏方 治小兒吐瀉之後內虛生風成慢驚

涎潮搐搦頭頂反折精神昏困

全蝎 二十一枚每一枚用薄荷二葉裏定先以生

汁老慢火上炙令麻黃黃色又乳香 別研 雄黃 別

花蛇 酒浸取 天南星 炮製入生薑汁內 烏蛇尾 酒

取白殭蠶 炒去絲嘴 附子 一枚炮去臍尖取末 麝香 半錢

焙乾

右件為細末以入研者藥和勻別用天南星一兩調

生薑汁煮糊與前藥和丸如梧桐子大捏作餅子畧

見日色陰乾各服一餅子煎荊芥湯化下不拘時候

補脾益真散湯 宿州陳氏方 治小兒胎稟怯弱外實裏虛因

嘔吐乳妳糞便青色而盛因癇俗曰慢驚風氣逆涎

調眼珠直視四肢抽掣或因變蒸容忤而所作或因

持拖驚嚇而所作或因悞服鎮心寒涼藥如所作此藥微温而不燥

木香 當歸去蘆人參去蘆黃芪 丁香 訶子肉

陳皮去厚朴薑製甘草 肉豆蔻 草果 茯苓去皮

白朮 官桂不見火半夏薑製附子炮已上一十全蝎六味各半兩

去毒一枚 加一枚

右各修製為吹咀每服三錢重水一盞半生薑一片肥棗一枚煎至六分去粗稍熱服壯飢時服訖揉動

心腹以助藥力後方可乳食

渴者加茯苓去附子人參 丁香 甘草 肉豆 瀉者

加丁香訶子肉 嘔吐加丁香半夏 陳皮 腹痛加厚

朴良薑腹脹加厚丁香 前胡 枳殼 咳嗽加前胡去

附子半夏 肉豆 官桂 草菓 痰喘加前胡去附子枳

實 肉豆赤茯苓丁香 草菓 氣逆不下加前胡去當歸

枳實 檳榔 附子 刻豆 惡風自汗加官桂黃

芪 足冷加附子丁香 厚朴

已上增藥與正方分兩同

又方出百一選方

用正生大附子去皮臍為末以白項蚯蚓令入末藥內衮候定刮蚯蚓上附子為丸如黃米大每服十九溫米湯飲下

八仙散傳氏各要治一切身冷瘕瘕四肢弱吐瀉不食精神

困慢面色青黑不省人事

天麻一錢熟湯泡洗人參一錢白朮一錢白茯苓一錢半御米一錢

炒去油糯米薑汁浸七次扁豆一錢炒陳皮一錢蓮肉去心一錢藿

香葉一錢甘草一錢炒

右為細末如常調勻用鹽湯下或鹽米湯飲下如吐瀉霜梅湯不慢驚者冬瓜仁陳皮煎湯下入鹽少許不拘時候

羌活勾藤散傳氏活嬰治慢驚風可與宣風散八仙散相間

服

勾藤二錢蟬蛻三錢洗防風三錢人參一錢天麻一錢蝎稍半錢

川芎一錢麝香一字

右為細末每服一錢用薄荷湯調服溫茶清湯亦得
不計時候

普濟方卷三百七十一

欽定四庫全書

普濟方卷三百七十二

明 周王朱楠 撰

嬰孩驚風門

慢脾風 附論

小兒生下中慢脾風候時吐嘔頻咬牙手足掣癡舌卷
頭低兩眼上視先頭低而次第高此候久瀉痢而下冷
藥只止瀉痢不得活脾是以脾虛弱臟腑乘虛故此所

治先用均氣散調一日後便下一醉膏下後用治脾散
夾真心丸建脾散常服之即愈若更喘吐咽哽角弓反
張死候不治 小兒慢脾風候是傷寒疹子庸醫未明
表裏便即宣利臟腑更使冷熱藥相通故小兒眼不倒
脾困極不省手足不收此病但回陽醒脾調治方愈若
更吐瀉必定損命也 曾經吐痢不止損傷脾胃或慢
驚之後病已傳極總歸虛處惟脾所受故曰脾風若逐
風則無風可逐若治驚則無驚可治但脾間痰涎虛熱

往來爾其眼合者脾困因之神志昏迷痰涎凝滯然爾
所謂慢驚難治者慢脾風是也一名虛風凡小兒或吐
痢之後面色虛黃大勢虛損若因虛而發熱即傳慢脾
矣纔見搖頭斜視以手摸人昏迷喜睡額上汗多身亦
粘汗其聲沈小而焦是脾風之證未必皆由急慢驚風
傳次而得醫者詳之 三關紋紫絲或青絲或黑絲隱
隱相雜似出不出其證面青額汗舌短頭低眼合不開
搖頭困睡常常吐舌頻嘔腥臭噤口咬牙手足微搐而

不收或身冷身溫而四肢厥逆脾氣困之神志昏迷虛熱往來痰涎凝滯 治法大要醒脾回陽黑附湯川烏散生附四君子湯靈妙若眼半開半合手足不冷尚在慢驚不可回陽或已傳慢脾陽氣未脫服薑附回陽之劑手足漸暖宜漸退回陽熱劑以醒脾等藥調理 慢驚慢脾危惡之證可畏而大衝有脈眼中睛光瞳人動活顛門未陷面色不至黑黯襯脚知痒猶可用力即灸百會次服附子理中湯研回陽丹同服之 百會穴取

前後髮際至頂門拆中又取兩耳尖至頂門拆中是穴用線量之艾炷麥子大或五壯七壯 慢脾風候兒病至此所以難醫蓋由其證為驚與風傳經已極總歸虛處惟脾所受故不曰胃風胃屬陽其病即傳陰臟故無胃候兒既尚有胃氣可以一向生胃魚與回陽即漸甦省若更面攻擊驚風脾亦不受而又傳散諸經不可得而加藥若見眼合即是脾風宜服下項藥 治慢脾風乃是不得已而設其疾危如燈無油漸見昏滅錢氏所

用金液丹又青州白丸子各半細研和勻飯後薄荷湯
下一錢半錢許此乃截風回陽一方四君子湯加黑附
子末四分之二脚手冰冷者可和對半生薑棗子煎為
服此方古人用之豈不周常所錄下項良方亦盡世之
善也治慢驚慢脾須禁腦麝賦粉水銀粉霜之類及寒
涼動臟等或以燥熱俱不可用只宜回陽醒脾湯使與
服 慢脾風候十個孩兒有九個以艾灸之須當斟酌
病候已未脈絕之理若一臟絕即不可用藥謂如眼無

光指甲四肢垂躄五體俱冷不可勉強用藥 慢驚欲

絕之時虛痰上攻咽喉引氣粗大脈來浮數是謂陰盛
強陽或誤認為陽氣已復有又喉中痰不識覆燈怛絕
之證又行用藥痰隨氣下氣隨痰絕人以醫殺咎之
茅先生小兒受慢脾風歌四肢逆因宣吐瀉補還遲脾
胃伏除涎擁肺心生毒熱面青時如此呼為慢脾候更
加喘嗽不通醫 小兒刑證論四十八候慢驚傳慢脾
歌慢脾只因脾傷起轉吐瀉虛涎脾胃存四肢逆冷頻

頻嘔沈困難醒豈易明唇紅目閉手微搐病行心臟及脾神醫者鎮心為上法更開闕竅細詳論莫令加喘頭先軟眼白朦朦命不存 四十八胃兼有虛涎下大青丹一二服更將搐鼻散開闕次用醒脾散 四十八胃候慢脾將死候歌驚入風痼傳在脾直眼不動卧如尸搐搦已休牽制定為他安好不生疑便甬大小難收乳遍體如冰河若沉眼目不開常似睡睡中不覺赴幽期又四十八候慢脾浸肺歌慢脾多睡重取口瀉傳脾

胃傳虛逆冷四肢多重困虛涎脾伏盛難除生風肺臟添邪感任喚千聲集不舒其使目瞑兼項軟十中難保一人甦

方

大醒脾散 治脾風內虛昏迷不醒亦可釀乳

全蝎焙 白附子炮 天麻炮 甘草炙 人參去蘆 白茯苓

去皮木香炮 石菖蒲 白朮 陳皮去白 南星炮 石蓮

肉 肉豆蔻 山藥各二分 縮砂仁一分 丁香一分

右為吐咀薑棗煎服回陽加附子白薑

烏蛇丸

出傳信
適用方

治小兒慢脾風及慢驚風

烏蛇

一兩酒
浸一宿

天漿子

二十個
去殼

天麻

兩半

乾蝎

一分

天南

星

兩半

白附子

兩半

川附子

一兩

防風

兩半

半夏

兩半

洗七

次方
用

已上並酒浸浸日焙乾為細末入後藥

牛黃

硃砂

麝香

雄黃

各一錢

右並研賦以糯粥和丸如黃米大每十九不計時候

煎荆芥湯下以風搖止為度

鈎藤煎

治小兒虛風

鈎藤

防風

去皮 芎藭

天麻

酒浸
焙切

麻黃

去根節
各一分

荆

芥穗

蟬殼

去土 蝎稍

炒各
半兩

白殭蠶

十四粒
炒

薄荷心

十二

六枚酒
浸焙

龍腦

麝香

各一
字研

右搗研為細末煉蜜和成煎每服皂子大荆芥紫參

湯下

羌活膏

出幼幼
新書

治小兒急慢驚風或因吐瀉後脾胃虛

傳作慢脾之疾

羌活 獨活 人參 白茯苓 肉桂 木香

防風錢各三 水銀 硫黃 全蝎錢各三 金銀箔各十片

真麝香錢一

右為細末蜜和為膏每服一黄豆大薄荷湯化下

醒脾散

四君子湯加全蝎 陳皮 木香 白附子炮 南

星炮 陳米 川烏剉 半夏麩

右為末薑棗煎逐旋服急服則吐

醒脾丸出十便良方 治小兒慢脾風因吐痢後虛困昏睡欲

生風癇

厚朴 白朮 舶上硫黃 天麻各半兩 全蝎 防

風 人參 官桂各一分

右為末酒浸蒸餅和丸如雞頭子大每服一九搥研

溫米飲下

沈附湯出直指方 治慢脾風厥冷吐瀉

傳作慢脾之疾

羌活 獨活 人參 白茯苓 肉桂 木香

防風錢各三 水銀 硫黃 全蝎錢各三 金銀箔片各十

真麝香錢一

右為細末蜜和為膏每服一黃豆大薄荷湯化下

醒脾散

四君子湯加全蝎 陳皮 木香 白附子炮 南

星炮 陳米 川烏剉 半夏麩

右為末薑棗煎逐旋服急服則吐

醒脾丸出十便良方 治小兒慢脾風因吐痢後虛困昏睡欲

生風癇

厚朴 白朮 舶上硫黃 天麻各半兩 全蝎 防

風 人參 官桂各一分

右為末酒浸蒸餅和丸如雞頭子大每服一九搥研

溫米飲下

沈附湯指出直指方 治慢脾風厥冷吐瀉

沈香 丁香 木香 黑附子 炮 白附子 焙 全蝎

藿香 天麻 分各等

右為末每半錢灸甘草生薑煎湯調下身溫則去附子

硃砂散 出幼幼新書 治慢脾風

硃砂 天麻 錢各一 殭蠶 個七 天南星 個一 白花蛇 項一 肉下

塊皂子大 麝香 許少 蜈蚣

右為末每服一字薄荷湯下

沒石散 出幼幼新書 治慢脾候此藥醒脾

沒石子 個二 硃砂 錢三 滑石 研 白礬 丁香 錢各三 半夏

一兩 生薑 三兩 搥爛同浸水一宿後將半夏擘碎又

作餅子炙熱為末

右為末每服半錢以冬瓜子煎湯調下不拘時候

醉膏 出幼幼新書 治小兒慢脾風候

花蛇鼻 蝎尾 天南星心 川烏劑 大附子

側 白附子耳 蜈蚣蟲肚

右各半錢生用以棗肉五十個和前藥研成一塊以

腦麝滴水和丸如梧桐子大每服一九用薄荷自然

汁磨化下後通不可復衣形後用一串藥子調理

銀白散 出幼幼新書 治小兒胃虛吐瀉煩渴成慢脾者

乾葛 人參去蘆 白茯苓 山藥 白扁豆 各半兩 半

夏 一分湯洗去滑薑製成餅炒黃 糯米 一合淘盡薑汁浸一宿炒黃

右為細末每服二錢水八分生薑二片同煎溫服

丁沈散 治小兒慢脾驚風似搐此名瘈瘲常以睡而

四肢與口中氣溫合睡露睛或啼泣如鴉聲

丁香 沈香 人參 白茯苓 白朮炒 白扁豆

右各等分為末每服半錢飯飲調下看大小加減

白殭蠶丸 出活幼口議 治嬰孩小兒慢風候痰涎盛不化

牛膽製 南星錢一 白殭蠶去絲 錢子 地龍 五靈脂

川全蝎炒 演山用前牛黃青心 半夏末 用生薑汁浸各

錢一

右為末水煮半夏末糊丸麻子大每服三十九煎全

銀薄荷湯下一方薑湯下 脾家有風乃虛所致驚
 搐所由生也痰涎是故作也陰癇不暴其實駭醫若
 以衝烈之味投之愈見害重誠為不可所以禁却腦
 麝通利闕竅之藥悉無利益治法所宜者即今選用
 妙方賴以活人白殭蠶一味去痰尤能截風既已傳
 入慢脾則風痰混致驚熱交臨醫工看候用藥當權
 緩急決其可否候未脫去陽者直宜與服之若陽虧
 陰盛至危至急候變非常精神色脈俱足駭人者當

服下項良方一方無南星二錢

鈎藤飲

出幼幼新書

治嬰孩小兒因吐瀉體虛發搐作慢脾

魚口眼直視睡不醒目不開

鈎藤

防風

麝香

麻黃

去節用各一分

蝎稍

蟬殼

各半分

右為細末每服一字半錢一錢大加減薄荷湯調入
 醋一滴調勻服如四稍厥逆入附子三兩片同水五
 分薄荷一葉煎二分熱服連進三二服或吐瀉體冷

多睡用附子半錢炮去皮臍為末或作剉散白朮一錢白豆蔻一個甘草灸一寸棗一個水八分慢火煎至三分溫服作兩服體便暖只煎四君子湯加入沈香橘皮喫五六分更喫暖驚藥三兩服乳母忌口不再驚

黑附湯

出活幼口議

治慢脾痰盛四肢逆冷

黑附子

炮取末二錢重

白朮

一錢

南星

炮一錢

甘草

湯洗七次一錢

灸一錢

半夏

右咬咀每服二錢水一小盞生薑三小片棗一個煎至半盞去滓通口以時時與服所覺手足暖其候漸省藥即止之

木附湯

出醫方集成

治慢脾風身弓髮直吐乳貪睡汗流不已

大附子

一個

白朮

一兩

木香

半兩

肉豆蔻

一枚

甘草

兩半

右咬咀每服二錢水半盞薑三片棗一枚煎服

辰砂膏 治慢脾冷痰壅滯手足冷而微搐

黑附子

一枚八錢重者去皮臍頂上刻一孔入辰砂九一錢用附子末塞之以炭火燒存性

南星

炮半兩

白附子

炮

川五靈脂

蝎稍

各一分

右為末鍊蜜和丸如梧桐子大每服一九生薑汁炮

調下

白殭蠶丸

治慢脾陽末甚脫者可用亦能截風方見

本門慢脾風類

厚朴

去粗皮以水一盞煮盡後細切焙乾

白朮

湯浸半日切片子用蜜炙香黃色

硃

砂 各一分 麻黃

半分長直者以熱湯浸軟用姜汁浸半日

乾蝎

七個尾稍全者每個

用大葉薄荷裹上用浸者麻黃纏了微以姜汁再浸以竹筋上灸令表裏焦黃色

右並擣羅極細再入乳鉢內與硃砂研千百遍每服

半錢或一錢煎金銀薄荷湯調下但小兒服藥後微

汗出是効凡小兒欲作慢驚必先壯熱多睡頻吐若

吐止即驚止不止定作慢驚為難治吐證以金液丹

研令細滴水為丸黃米大用硃砂青黛為衣每服五

十九以上以下不濟事用米飲下定吐救生丹亦甚

佳然十有三四不能止者此方百無一失但費心力耳不然十有八九不救此二方不可具述千萬秘之非至誠好事者不可妄傳

丁香餅子丸 出幼幼新書 治小兒吐瀉後生風慢脾者及久

瀉亦治胃虛

丁香 五十粒 藿香葉 一分 木香 韶粉 大附子 炮各一錢

一云各二錢

右為末攪勻生薑自然汁作餅子用粗燈盞內水煮

軟化開服或要急用作餅子入棗子一枚煎

大白再生丸 治小兒慢脾驚風似搐此名瘕瘕常似

睡而四肢與口中氣溫合睡露睛或啼泣如鴉聲

陽起石 煨浸酒滾 生硫黃 南星 炮 大附子 炮去皮臍

右等分為末用蒸餅為丸如菜豆大陳米飲下五丸至七丸更量兒大小加減服之

治小兒慢驚風吐奶霍亂吐瀉 出幼幼新書

丁香 一錢 霍香 三分

右為細末煉蜜和丸如菉豆大每服三九或大段吐瀉水飲下半錢

治脾風

出楊氏寶書

附子

炮二錢

蝎

七枚

白附子

炮三個

南星

炮二錢

右為末每服半錢水三分盞生薑一片冬瓜子仁五粒擘破同煎看兒大小加減

黑附湯

出危氏方

治慢脾風面青額汗舌短頭低眼合不開睡中搖頭吐舌頻嘔腥臭噤口咬牙手足微搐不收

或身冷或身溫而四肢冷其脈沈微陰氣極盛胃氣極虛十救一二蓋由慢驚之後吐瀉損脾病傳已極總歸虛處惟脾所受故曰脾風若逐風則無風可逐若療驚則無驚可療但脾間痰涎凝滯而然世所謂慢風者脾困氣乏神志沈迷痰涎凝滯而然世所謂慢風難治者慢脾風是也

附子

炮去皮三錢

木香

一錢半

白附子

一錢

甘草

炙半錢

右剉散每服三錢水一盞生薑五片煎取一半以匙

送下若手足暖而蘇即止

醒脾散 治小兒吐瀉脾虛生風

天南星

一個重七錢者去心入縮砂一錢丁香一錢用南星心末封口慢火煨熟切碎 藿

香葉

人參

白茯苓

各一錢

右為細散每服半錢入冬瓜子仁少許同煎至三五

沸溫服

治小兒慢脾風眾醫不効用此藥瘥

附子

炮裂去皮臍

木香

不見火懷乾

肉豆蔻

洗

生硫黃

去漿水煮

黃煮赤者不用其

間夾石者須去

右等分為細末每用冬瓜子四十九粒水六合煎至

三合入藥一錢再煎至一合為一服治身冷汗出至

虛緩搐者

醒脾虛風

出幼幼新書

大附子

一錢去皮臍炮

大全蝎

七個

大白附子

三個炮

天麻

二錢

右為細末每服半錢濃煎冷冬瓜仁湯調下

治小兒慢脾初生者皆可服其壯困睡不醒或啼不已

出幼幼

新書

全蝎

兩個以竹針穿微火炙者熟末之

麝香

少許

硃砂

西壁土

照西

久牙者壁泥半錢細研

右和勻乳汁調下一字二三歲以上量添至半錢或三字亦得又濃煎金銀湯調下又蜜湯亦得

白附子散

治小兒及大人虛風呵欠止吐化痰

白附子

半兩炮

天南星

半兩炮

黑附子

炮去皮臍取一錢

右為末每服二錢水一盞薑五片慢火煎至六分不

計時候小兒一錢水一盞薑三片慢火煎不住火攪勻煎至小半盞分三服

昔宣和間真州李博士景開以此治吳內翰女孫甚効紹興辛亥吳內翰在康州陳搏傳郎病風虛極昏吳教之服三四服而愈

人參散 治慢脾風多困神昏痰盛及潮熱並傷寒咳嗽或傷物吐逆驚風曾吐利再發者一名惺惺散

人參 冬瓜仁

各半兩

天南星

一兩切片用漿水姜汁煮存性

善濟方

十六

右為末每服一錢水半盞煎至二三分溫服薑煎

治小兒慢脾風因吐利後虛困昏睡欲生風癇

全蝎

二個青薄荷葉包煨

白朮

指面大二塊

麻黃

長五寸十個去節

右為末二歲以下一字三歲以上半錢薄荷湯下量

大小加減服

川烏散 驅風回陽

生川烏

一分全蝎

去毒

木香

各半分

右為末每服三字薑三片煎去其半旋滴入口中嘔

吐加丁香

活脾散 治小兒脾困成慢脾風

天南星

去皮

半夏

白附子

各等分

右為末每服半錢一錢小者一字用冬瓜子七粒薄

荷二片酒少許或入水少許同煎

小續命丸 治慢脾風四肢厥冷一名附研丸

附子尖

一枚

硫黃

棗許大

蝎稍

七枚

右為末生薑麵糊丸黃米大量兒加減十九至百丸

亦治小兒久瀉疳羸一方用生薑自然汁和丸米飲
 下凡前方用附烏者不可執謂性熱其兒患脾風脚
 手冷者有微有暴審其輕即用湯盛即以九重即以
 膏服之皆効須候手足暖陽氣回即為佳更以醒脾
 正累藥溫暖腑臟補益腹腸胃奪命回陽必效

醒脾散 治小兒慢脾風

馬芹子 白殭 丁香

右各等分為末每服一錢用灸橘皮湯調下

醒脾散 治四十八候

天南星 一個去皮臍用硃砂入在南星臍肉令滿以麩裏慢火炮黃作散

白朮 一分

麝香 少許

右為末每服半錢冬瓜子湯調下如為丸以生葱涎
 丸如粟米大每服十九丸研砂湯下後與調胃散

活脾散 治小兒慢脾驚風

羊糞 一十一個炮 丁香 一百粒 胡椒 五十粒

右為末每服半錢用六年東日照處壁土煎湯調下

玉筋散 治小兒馬脾風

甘草 一寸 甘遂末 一字

右同油蜜生薑銀釵兒攪調下後用冷水半盞調奪命散

奪命散 治小兒馬脾風

川大黃 白牽牛 黑牽牛 各一兩並 檳榔 一

右為細末三歲每服二錢蜜漿調下涎多加膩粉少許

蠟稍膏 治小兒久病後或吐瀉生驚轉成慢脾候

蠟稍 不以多少為末 石榴 一

右用石榴開作瓮子去子以無灰酒半盞調蠟末入石榴以蓋子蓋定坐文武火上時時攪動熬膏取出放冷每服一錢用銀金薄荷湯調下急驚勿服

黑子散 治小兒慢脾風

乾薑 半 甘草 一分

右同於一磁瓦合子內用火煨存性為末

煨須糊好 過則力太

慢不及則
性太烈

每服一錢或半錢濃煎烏梅湯調下臨時
更看兒女大小加減服之須是目垂面白慢脾形候
即與服

搐鼻散 治四十八候

瓜蒂一錢細辛半錢

右為末用半字吹入鼻中打嚏嚏候眼開便將大青
丹取下積熱並下驚涎後調氣大青丹方見急慢驚
風類

加味四君子湯 助胃回陽一名生附四君子湯

用四君子湯加生附子末四分之一厥者對加每服
半錢薑五片慢火熱煎以匙送下方用棗煎一方加
川烏全蠍為末薑棗煎名烏蠍四君子湯如再服即
去川烏

靈砂正胃回陽能止嘔吐溫痢痰涎

用靈砂少許為細末米飲調下或用糕糊丸如粟米
大兒兩三丸米飲灌下傷瀉者勿用

八仙丸散 治慢驚虛風

天麻 白附子 花蛇肉 防風去蘆 南星炮 半夏

麩 冬瓜子 全蛇各等分

右吹咀每服一錢水半盞生薑二片煎至二分加棗子煎去渣有熱加薄荷或加殭蠶炒慢驚加川烏

又方

川烏一枚生去皮臍 全蠍等分 人參二錢 甘草灸一錢

右細切分三服水二盞生薑二片煎至一盞逐旋無

時服

治小兒慢脾風

用代赭石不拘多少細研水飛過研冬瓜仁湯調下量兒大小與半錢或一錢小兒因轉瀉後眼戴上三日不亂目睛通黃如金色氣將消絕止服三服全愈

慢肝風 附論

幼幼新書云小兒慢肝風歌曰孩兒眼涩羞明日春不宣兮夏不通秋被毒風傷肺得次傳肝腎別尋蹤先調

五臟患方退退得肝風便有功蓋為小兒元氣壯此名立號慢脾風蓋此病肺與肝相克見日眼不開未出月有目腫者或出血者

方

甘膽湯 治慢肝風羞日月腫出無宜

用甘草一截以猪膽塗灸為末每服半錢米泔調下治欲去血目澀不開

用蒼朮不拘多少入猪膽中線縛定煮熟將藥氣衝

眼後更嚼藥以汁咽吐渣尤妙

驚悸 附論

心藏神而惡熱小兒體性多熱若感風邪則風熱搏於腑臟其氣鬱憤內乘於心令兒神志不寧故發為驚甚不已則悸動不寧是為驚悸之病

方

天竺黃丸 治小兒驚悸壯熱黃瘦不思乳食

天竺黃 細研 黃連 去 柴胡 去 羚羊角屑 蔓荊子

犀角屑 防風去蘆 子芩 川升麻 麥門冬去心焙

甘草灸赤微剉 玄參 白茯苓微炒去刺 硃砂細研 木香以上各一

龍腦分細研 麝香細研 牛黃各一分

右為末與研子藥都令勻煉蜜和丸如菉豆大每服以溫水化下五丸量兒大小以意加減

鐵粉煎 治小兒心熱多驚悸晝瘥夜甚象鬼神所著

鐵粉一錢 牛黃一錢 菖蒲三錢 酥三兩 犀角屑 人參

茯神 百合 防風 川大黃剉碎 青黛細研 細辛

遠志去心 芎藭 麻黃去根節 薯蕷 甘草灸赤微剉以上

各半 兩 蜜半勛

右先擣諸藥用水三升入銀鍋中煎至半升以新綿濾去滓却入中每服以溫水用二大豆許日三四服

量兒大小加減服之

金泥煎 治小兒心熱多驚悸

金箔七十片 水銀一兩 遠志一兩 菖蒲三分 鈎藤三分 龍

腦三分去蘆頭 龍齒三分 人參三分去蘆頭 赤茯苓三分 青黛一分

炸蟬 三枚去翅足 麝香 一分 虎精 一對 牛黃 一分 甘草 三分

微 酥 四兩 蜜 半

右水銀金箔同研如泥又別研麝香虎精牛黃青黛四味如粉其餘藥擣篩為散入銀鍋中先以水二升文火煎取半升以新綿濾去滓再入鍋內酥蜜及金泥並研了藥等慢火煎不住手手以柳篋攪如稠湯入瓷內合盛每服取二大豆作以溫水調服日三四服量兒大小加減服之

遠志煎 治小兒身體壯熱驚悸心神不寧安心神

遠志 去心 羚羊角稍 灸赤 杏仁 湯洗去皮尖雙 茯神

紫苑 洗去苗土 龍骨 去蘆頭 龍膽 一分 炸蟬

一分去翅足 百合 一分 牛黃 一分 麝香 一分 川升麻 三分 川

大黃 一兩 劉 微炒 酥 三分 蜜 半

右先研牛黃麝香二味為粉除酥蜜等二味粗擣用水三升入銀鍋內煎至半升以新綿濾去滓却入鍋內下牛黃麝香酥蜜等以柳溫水調服日三四服量

兒大小加減服之

牛黃丸 治小兒驚悸壯熱黃瘦髮豎

牛黃 一錢 細研 犀角屑 天竺黃 細研 硃砂 半兩 細研 飛過 白附

子 炮製 茯神 黃連 去鬚 羚羊角屑 防風 去蘆 頭 玄參

枳殼 炒微 黃去瓢 甘菊花 人參 去蘆 頭 黃耆 剉 甘草

灸赤 微剉 麥門冬 去心 焙 一兩 黃芩 以上各 一分

右為末入研了藥都研勻令煉蜜和丸如菉豆大每服以淡竹葉湯研下五九日三四丸量兒大小加減

服之

天鎮心丸 治小兒精神不爽寢寐多驚心忪恐悸四肢戰掉舉動欽倒狀類暗風或煩燥多啼退驚風化痰壅壯心氣益精神方見本門一切驚風類

金箔丸 治小兒驚悸眠睡不穩方見本門一切驚風類

真珠丸 治小兒風熱心神驚悸睡卧不安

真珠末 羌活 去蘆 頭 防風 研各 一分 鈎藤 龍膽 天

竺黃研 升麻 牛黃研各一分 茯神去木 人參 羚羊角

屑 犀角屑各一兩 鉛霜 龍腦 麝香研各一分

右搗研為末煉蜜和丸如菉豆大每服用荊芥薄荷

湯研下五九日三四服化一切驚涎

大丹砂丸 治鎮心神涼咽膈壓驚悸退壯熱化風涎

丹砂研水飛過 甘草炙 白茯苓去黑皮 馬牙硝研一分 人

參一兩 礪砂研三錢 牛黃研半錢 龍腦研 麝香研各一錢

右搗研為末煉蜜和丸如鷄頭大每服一九用竹葉

湯化下食後臨卧服大小以意加減服之

丹砂丸 治驚悸退壯熱止涎嗽利咽膈除眠睡不穩

丹砂二兩細研飛過 半夏二兩湯洗七遍 乳香研半錢 人參 白茯

苓去黑皮各半兩 天南星炮製一兩 牛黃研二錢 龍腦研一錢

右為末用白麪糊丸如麻子大三歲兒服十九至十

五丸不拘時用竹葉乳香湯下量大小加減

鈎藤湯 治小兒壯熱時氣驚悸並熱瘡出

鈎藤一兩 人參一兩 蚱蟬微炙去翅足一兩 黃芩去黑心一兩 澤瀉

半兩 龍齒 研如粉 防風 去蘆 蛇蛻皮 微炙令黃 色三寸

右粗搗篩一二歲小兒每服一錢水半盞入竹瀝半合石蜜少許同煎至四分去滓分溫二服空心午後各一更量兒大小加減服之

人參湯 治小兒壯熱驚悸並熱瘡出

人參 三分 茯苓 去木 龍齒 研如粉 蚱蟬 去足頭翅 微炙二錢 鈎 藤 一分 麥門冬 去心焙 蛇蛻皮 微炙令黃二寸 杏仁 去皮尖 雙入隻 炒令熟 一兩半

右擣篩一二歲兒每服一錢水半盞煎至三分去滓入牛黃豆許大分溫二服空心午後各量兒大小以意加減服之

定心丸 治驚悸煩燥

北參 遠志 姜製 茯苓 天麻 犀角 各一分 硃砂 錢麝一字

右為末煉蜜和丸如皂子大金箔衣丸薄荷調下

天竺黃丸 治小兒壯熱驚悸不得眠睡

天竺黃

細研

黃連

去鬚

川大黃

劉碎 微炒

牡蠣粉

黃芩

梔子仁

遠志

去心以上 各半兩

右為末鍊蜜和丸如菉豆大每服以新汲水下五丸

量兒大小加減服之

茯神湯

治小兒風熱驚悸并心忪恐悸一名茯神散

茯神

去木 一分

龍齒

半兩

寒水石

研一分

升麻

二分

石膏

研細 一兩

麥門冬

去心焙 三分

右粗擣篩三歲兒每服一錢水七分入竹瀝少許煎

至四分去滓溫服日三夜一量大小以意加減服之
一方用甘草

麥門冬 治小兒虛熱驚悸睡中時叫一名人參散

麥門冬

去心焙 一兩半

人參

半兩

龍骨

一兩

茯神

去木 三分

甘草

灸 一

分 犀角屑

兩半

右粗擣篩一二歲兒每服一錢水七分入生地黄汁

少許同煎至四分去滓溫日三四服量兒大小以意

加減

牛黃散 治小兒心熱驚悸

牛黃 研一分 天竺黃 研半兩 鉛白霜 研半兩 玄明粉 研一兩

人參 半兩 白茯苓 去黑皮半兩

右搗羅人參茯苓為末同牛黃等研為散一二歲兒每服半錢用薄荷湯服調三四歲兒每服一錢日三服早辰午間晚各一量兒大小加減

溫膽湯 治驚悸煩痰驚風已退神志未定神安化痰

火利驚或下定志丸或蠟餅

半夏 製 枳實 各二錢半 橘紅 一方作陳皮 甘草 各一錢半 酸棗仁

溫湯浸去殼二錢半

右剉散每服一錢入竹茹少許用薑棗煎服

天竺黃散 治小兒驚熱筋脈抽掣夜卧驚悸四肢煩

熱

天竺黃 研半兩 鬱金 漿水煮一分 粉霜 研一分 鉛白霜 研一分

山梔子仁 兩半

右搗研為散一二歲兒每服半錢用新汲水調服三

四歲兒每服一錢日二早晨日晚各一更量兒大小加減服之

紫金散 治小兒驚不安

鐵粉 龍齒 石膏 牛黃 並研 甘草 生末各一分

右先擣龍齒石膏為末與諸藥同研如粉每服半錢用淡竹瀝調服三四歲兒每服一錢七日三服早晨午間日晚各一量兒大小以意加減

犀角飲子 治小兒心熱驚悸

竹瀝 三合 犀角 磨末 半夏 末 南星 末二味姜汁捏餅子曬乾 桔梗 去蘆

各五錢 甘草 二錢

右同研為末薑汁同桑白皮汁煮麩糊為餅子研煨白礬為衣生薑湯送下

龍齒散 治小兒驚悸夜啼

龍齒 茯苓 白附子 炮 蟬退 甘草

右等分細末每服半錢薄荷湯下臨卧服尤佳

天鈞驚風

天癆之候心神不安手足抽掣驚悸壯熱眼目翻騰或啼或笑喜怒不常甚者指甲皆青此因乳母飲食不當酒肉過度或憂驚之氣入乳宿滯不消胃膈壅滯邪熱蘊積漸生痰涎腑臟之氣不能宣通瘕瘕不定發作無時翻眼檉睛壯熱神崇頭目仰視名為天釣又有二十四釣各有種類灸法凡有此候宜服蘓合香丸灸兩手大拇指面甲肉相半男先灸左女先灸右及兩足大拇指節中間各三五壯又手心五壯又後心七壯此皆得

效。驚風內釣腹痛多啼唇黑囊腫偃偻反張眼內有紅筋班血者是蓋寒氣壅結魚驚風而得之又盤腸氣與蟲證亦令腹痛多啼偃偻相若盤腸氣痛則腰曲乾啼額上有汗是小腸為冷氣所搏然爾肉釣蟲痛則嘔吐青沫痛有去來唇口紫色是疳化為蛔蟲臟腑留滯然爾內釣用調氣止嗽疎風鎮驚之劑盤腸氣用溫和調氣之劑蟲證用殺蟲之劑

漢東王先云如得驚風內釣即用桃符丸服後却進乳

香丸並大七寶散如得盤腸氣疔即用疔瘡膏二三服
皮阿散香二三服亦須用大七寶散三二服如得膏蛔
蟲痛腹肚疔痛即用乾添散二三服並化蟲丸三五丸
亦間與大七寶散服之 茅先生云天疔之候急進奪
命散與吐下風涎然後用釣氣散醒脾與調勻氣候常
服雄硃散夾鎮心丸建脾散與服安藥如樂如見眼視
魚口鸛聲眼黑光指甲黑者死候不治也 又云小兒
生下五個月以上至七歲有結癖在腹成塊如梅核大

來去或似卵大常叫疼痛不住者亦分數類在臍下痛
者為疔氣下雲臺散夾茴香散與喫即愈如見面黑眼
視瀉黑血鼻口手足冷不進食者不治活幼口議曰氣
和乃升降安樂之由也氣逆則壅結病疾之致也幼幼
有患盤腸非暴所得原由氣鬱積久不散榮壅衛結五
臟六腑無舒暢其氣乘虛而發裏流上下築隘於腸胃
之間有聲汨輒連而如猫吐惡視之不忍何以所堪嗟
乎一身四大無主又有釣腸之症寒氣壅熱內不伸舒

雖不引氣鼓動臟腑胃堂無臍上下弔促躬曲偃僂就
忍疼痛二候既作駭醫驚眾然俱氣所患受發不同盤
腸宜以勻氣散加沈香煎之服之無不愈釣腸當用真
硃丸加以沈香煎鈎藤湯送下微通即瘥然後更與調
氣順筋根本方佳勝也

方

胡黃連丸 治小兒一切疳瀉驚風天癩

胡黃連 半兩 木香 兩 蛤蚧 酥炙各一分 蝸牛子 去殼七枚 人參

雄黃 研各半兩 牛黃 研 丹砂 研各一分 乾地龍 炒三分 青黛

乾蟾 研 乾蟾 燒灰 黃連 去鬚 檳榔 剉 當歸 焙 天麻 犀角

乾蠍 炒 蟬蛻 炙 盧薈 研 羌活 去蘆頭 獨活 去蘆頭 蕪荑

人麝香 驢胎耳 炙各一分 蜨娘 炙五枚 赤石脂 研 代

赭 搗研各半兩 猪牙皂莢 二挺炙去皮半別搗末

右為末猪膽汁和丸如黍米大每服二丸三丸空心
用温米飲下量兒大小加減服之

天漿子散 治小兒天癩驚風

天漿子 天南星 白附子 犀角屑 丹砂

雄黃研 附子炮製去皮臍 乳香研 白花蛇酒浸炙用肉 半夏

湯浸洗去滑與生姜汁同搗捏作餅子暴乾 白僵蠶炒各一分 膩粉 牛黃

研各一分 麝香一字 金箔 銀箔

右除別研外擣羅為散入研藥和勻每服一字薄荷

湯調下日三更量兒大小加減服之

青黛丸 治小兒天癩客忤五疳八痢十二驚癇

青黛研 乾蝦蟆一枚黃泥裹燒赤去泥研 黃連去鬚 天竺黃研 乾

蝸牛殼洗炒 地龍炒 人參 鈎藤炙 龍膽各一分 盧

薈研 熊膽研各半兩 牛黃研 麝香 雄黃研 丹砂研各一錢

夜明沙 胡黃連

右搗羅七味為末與十味研者勻和以燒飯丸如麻子大一歲一九至二九粥飲下一歲以上以意加服保命丹 治小兒天癩心胃痰壅攻咽喉作呀聲發歇

多驚不得眠卧一名保命丸方見本門慢驚風類

牛黃 硃砂穎塊上 羌活 木香各一分 麝香四 巴

豆 和皮醋灸千沸去 附子 火炮去皮半個 蠍稍 五十個生薄荷四分
皮不出油使三個
 碎切同炒令炒
 乾去薄荷不用

右藥件先杵蠍稍附子羌活三件為末方將眾藥於乳鉢內研如飛塵以蒸餅丸如菘豆大濃煎薄荷湯下一丸蓋衣被得汗便效

保命丹 治天癩驚風

全蠍 焙 蟬蛻殼 直僵蠶 微炒 天麻 犀角 天漿子 有子者 白附子 南星 炮 青黛 硃砂 川姜黃

各等麝 少許

右為末雄猪膽汁為丸如菘豆大先將井水調開一丸入鼻令嚏次以鈎藤湯調服一方無犀角

鈎藤散 治天癩驚

鈎藤 一方用鈎藤鈎子 白茯苓 各半 大黃 溫紙裏煨 防風
 硃砂 蟬殼 羌活 獨活 青皮 甘草 各灸

二錢半

右為粗末每服一錢薑棗煎服

蟬殼丸 治小兒天癆身體發熱口內多涎筋脈拘急

時發驚掣

蟬殼 白殭蠶 白附子 蚘螂並微炒 蜣螂三枚微炒

烏蛇一兩酒浸去皮骨炙令黃 蟾酥 青黛 麝香並細研 豬膽一枚 積各一分

猪膽 一枚

右為末以軟飯入猪膽汁同和丸如黍米大先將一丸用乳汁破研滴在鼻中候嚏即以薄荷湯下三丸三歲以上加丸服之

鈎藤丸 治小兒天癆身體壯熱筋脈拘急時時抽掣

鈎藤 胡黃連各半兩 麝香細研半分 天竺黃 牛黃

硃砂各細研 天麻 白附子炮製 乾蠍微炒 米粉以上各一分

右為末同研令勻用槐膠和丸如菉豆大於顛門上津調摩一九荆芥湯下一丸立效二歲以上少許加之

銀珠丸 治小兒天癆多驚搐搦眼忽戴上土逆夜啼

遍身如火面色青黃不食乳哺並無情緒一名白銀

丹

水銀

一兩煮青州棗二十枚同研水銀星盡

硃砂

研作衣

乾蠍

生

牛黃

研入麝香

研以上各一分

天南星

半炮半生

白僵蠶

白附子

各生

用鉛霜研入以上各半兩

右除水銀膏牛黃麝香鉛霜三味研令如粉餘四味

擣羅為末都研令勻用水銀膏和丸如黍米大二歲

兒每服三丸用薄荷湯下至三四歲每服五丸不計

時候以意量兒大小加減服之一方不用硃砂作衣

名水銀丸一方有粉霜無鉛霜

再生散 治小兒天癆驚風潮搐項筋緊

烏蛇

酒浸去皮

天麻

天南星

炮

乾蠍

炒各一分

麝香

研一錢

膩粉

半錢七研

丹砂

研一錢

牛黃

研

白附子

各半錢

右除別研擣羅為散入研藥令勻每服半錢煎金銀

湯調下早晚各一服更量兒大小加減

龍齒散 治小兒天癆手脚掣動眼目不定有時哭啼

或怒嗔爪甲皆青狀似鬼崇

龍齒 研細 白茯苓

一方用 鈎藤 各半

蟬殼 七枚

甘草

鐵粉 研細 硃砂

川大黃 剉細 黃丹 各一分

右為末入研藥令勻每服一錢以水一小盞煎至六

分不計時候量兒大小加減溫服之

九龍控心散 治天癩九竅壅聚痰塞經絡闕膈不通

潮涎灌心眼目翻騰頭項仰強

赤蜈蚣 一條

滴乳香 一錢

天竺黃 二錢

臘茶 二錢

雄

黃 二錢

甘草 二錢

荆芥穗 一錢

白礬 一錢

菜豆 半

生

半炒

右為末每服半錢每一歲一錢煎人參薄荷湯調下

天麻丸 治小兒天癩眼目翻上手足抽掣發歇不定

天麻 末 硃砂

龍齒

鉛霜

天竺黃 以上各一分

麝

香 半分五味

白芥子 一分

天漿子 七枚

右為末鍊蜜和丸如黃米大不計時候以薄荷湯研

下一丸稍急加至三丸或五丸立效

牛黃散 治小兒天癩眼目喎斜手足驚掣發歇不定

牛黃研細乾蠍生用各

半分

木香一分羌活

獨活

白殭

蠶生用硃砂細研水飛

過各半兩

乳香一類如粟米大

右為末羅為散同研令勻不計時候以乾槐枝煎湯

調下一字量兒大小加減服之

胡黃連丸 治小兒驚風一切疳痢

胡黃連

半兩

肉豆蔻

去殼一枚

檳榔

煨炒

訶梨勒

煨去殼

紅雪

蜜陀僧 丁香

各半兩

右為末麩糊和丸如麻子大每服三九五丸空心米

飲下心疳黃連湯肺疳米飲脾疳羸瘦疳棗湯食疳

吐血生薑湯驚疳瀉血鹽湯肝疳目皮中生瘡甘草

湯骨疳冷地卧食泥土紫筍茶湯氣疳脹橘皮湯下

一方入麝香一分和勻

牛黃膏 治驚風天癇

白附子

蠍

鬱金

雄黃

各一分

蟬蛻

六十個

膩粉

半錢巴豆肉

一分水浸一宿

右研極細蜜和丸入腦麝各少許每服皂子大薄荷

冷水下

硃砂丸 治小兒天癆心神煩亂搖搦不定

硃砂

細研

白殭蠶

微炙

胡黃連

熊膽

各一分

牛黃

麝

香

並細研各半兩

乾蠍

七枚微炙

右為末同研令勻以粟米飯和丸如菉豆大不計時候以金銀薄荷湯下三丸量兒大小加減服之

定命丸 治小兒慢驚風天癆撮口搖搦乳癆壯熱困

重一名定命丹方見本門急慢驚風類

蟬退散

治驚風天癆口搖搦疝瘕心熱夜啼驚癇

蟬退

六十個去土足翼

荆芥穗

一兩

甘草

半兩蜜炙

大黃

半兩紙裹煨

黃芩

半兩生用

蠍稍

五十個去毒

右剉散每服二錢水一盞白茅根溫服夜啼蟬退疹

瘡紫草得利止

木香丸 治驚內癆肚痛驚啼

木香

沒藥

舶上茴香

炒

鈎藤

等分

全蠍

乳香

各半

兩

右先乳香沒藥別研次入諸藥末合畢大蒜少許研細和丸桐子大日乾每二九鈎藤湯調下

雲臺散 治小兒疔氣治腹肚疔

雲臺子 炒 蓬莪茂 炮 茴香 炒 青橘皮 去白 甘草 炙以

一 木香 炮 一

右為末每服半錢用鹽酒熱調下

抵聖丹 治天疔胃膈不利乳食不下急驚風

錫悛脂 一兩細研水飛 牛黃 鉛霜 熊膽 各一分並

淘去黑水令盡

細研 麝香 蟾酥 一錢

右研勻粳米飯和丸如黍米大一服每服五粒至七粒新汲水下

牛黃散 治天疔清心截風一名清心散

牛黃 半兩 硃砂 細研 麝香 細研各 鈎藤 蠟稍 各
末 天竺黃 研一分 各半兩

右研勻每服一字新汲水調下

膩粉丸 治小兒天疔臟腑風熱壅滯四肢抽掣大小

便不利

膩粉 巴豆霜 麝香細研各半兩 鬱金 地龍 馬

牙硝各一分

右研令細以糯米飯和丸如菉豆大一歲一九以薄荷湯下三歲以上即服二九

牛黃丸 治小兒天癩

牛黃 硃砂 鈎藤各一分末 蟾酥 麝香 蝸牛去殼

十枚

右研細令以糯米飯和丸如黍米大不計時候先以水化破二九滴在鼻中相次即以溫水更下三九量兒大小加減服之

保生定命丹 治小兒天癩四肢抽掣眼目戴上精神恍惚皮膚乾燥身體似火夜卧不安心中煩燥熱渴不止宜服此藥

光明砂研水飛過 水銀煮棗肉研令星盡各一兩 膩粉 牛黃 腦 麝 金箔四十片

右研如粉入水銀更都令研勻用粟米飯和丸如麻子大三歲兒每服用新汲水研破三丸服之三四歲兒每服五丸不計時候量兒大小以意加減服之

鈎藤飲 治天癩潮熱

鈎藤 人參 去蘆 犀角屑 各半 甘草 炙半 全蠍 天

麻 各一分

右為末每服一錢水半小盞煎至一半去滓服

赤靈丸 治小兒癩癩病急慢諸風

丹砂 研水飛過 人參 為末各一兩 酸棗 研二兩 白麩 二錢 乳香 研半

右和研令勻用生蜜和膏入新竹筒內以油紙封紮定坐飯甑上炊候飯熟為度分作三十九丸每一丸分四服薄荷湯下化更量小兒大小以意加減

麝香散 治小兒驚風天癩小兒卒然驚悸眼目翻騰壯熱不已四肢抽掣上仰如鈎縛之狀名曰天癩乍作乍止此風熱痰涎之所發也良由乳母恣噉五辛

熱酒之類毒熱氣流入乳中因即乳兒兒飲乳臟腑
風熱脾胃生涎痰涎既生心肺壅滯不得宣通致令
心神不安為天癆之病

麝香研 膩粉研 牛黃研 乾蠍去土炒 白附子炮各一分

右研極細每服一字薄荷湯調下早晚各一服

乳香丸 治驚風內癆腹痛驚啼

雞心檳榔一錢半 乳香半錢 沒藥 沈香各一錢 蠍稍十個

右為末鍊蜜和丸如梧桐子大每服二九菖蒲鈎藤煎湯調下

靈花歸丹 治感厥急風心邪癩疾小兒天癆驚風及疳熱等病

蛇黃四兩紫色者佳用火煨令通赤取出以紙襯

豬猪糞二兩野放小硬者用瓶子固濟燒透烟

硃砂半兩 鐵粉一兩 麝香一錢

右乳鉢內同研極細以糯米粥為丸如鷄豆大一切

風用薄荷湯酒磨下一丸小兒半丸疳熱用冷水磨
 下一丸分作四服脩合時忌婦人雞犬見如是大人
 小兒中風口噤反張涎滿者灌下一服立醒小兒被
 驚及發熱並以薄荷煎湯化下此藥又名神穴丹合
 子挑漆盤於日內曬之及乾翻看每丸下有一小穴
 通丸內其藥中空也舊法須用端午及甲午日合急
 即不須

靈砂丹 治衆疾及小兒癘風

硃砂半兩 大附子炮 青橘去白 杏仁去皮尖 巴豆春冬用一
百個秋夏用五十枚以
水五升慢火煮三十沸

右先將巴豆以水五升煮令油出水盡為度細研與
 衆藥末和勻以粳米飯和為丸如豌豆大小兒癘風
 桃柳枝一握煎下小兒肚脹石榴湯下小兒及患人
 相度虛實加減服一方用麩薑一兩炮

南星丸 治小兒天癘口噤戴目手足搐搦不定

天南星 天雄 白附子 水銀

善濟方

於銚子內先鎔
 黑錫半分後下

水銀結為沙子細研半夏湯洗七遍去滑各一分

右為末用槐膠和丸如黃米大一歲一九三歲三九不計時候以溫薄荷湯化下

治小兒天癆多涎搐搦歌不定

乾蠍微炒羌活細研各半兩鉛霜細研各半兩麝香細研一錢蟾酥研入半錢

右為末同研令勻鍊蜜和丸如菉豆大不計時候以汁研破兩丸服之更量兒大小以意加減

茴香散 治四十八候

茴香炒雲臺子各半錢田螺殼二錢甘草三寸灸川練子一分

用肉

右為末每服半錢煎沈香湯調下木香湯亦得

治小兒天癆牙關急硬筋脈搐掣

乾蠍七枚生用硃砂一分細研麝香各半牛黃各細研獼猴頭骨塗酥灸黃各半分

右細羅為散不計時候用新汲水調下半錢極者不過三服瘥量兒大小以意加減服之

一字散 治小兒天癩四肢拘急時復搐搦喉內多涎

夜即驚厥宜服

天南星

炮製

蕎麩

研入各一分

壁魚兒

十枚

半夏

七枚生用

醋石

榴皮

右為末入在石榴殼內以鹽泥封裹於竈下慢火燒

以泥乾燥為度取出去殼焙乾搗細為散如孩兒小

只用一字以乳汁調灌之一歲以上用酒調一字服

汗出為效

殭蠶散

治天癩

白殭蠶

炒

馬牙硝

研

鬱金

乾蠟

去土炒各半兩

右搗研為散每服一字乳汁調服甚者半錢不拘時

候

治小兒天癩驚風搐搦牙關緊閉目吐涎

天竺黃

雄黃

臘脂

各一分

阿魏

半分

右同研為末以醋一茶碗煎成膏入蚘螂天麻烏蛇

末各半分和丸米粒大不計時候溫酒下三九乳汁

下亦得量兒大小加減服之

治小兒天癆多涎搐搦發歇不定

天竺黃 硃砂 各細研 乾蠍 微炒 白附子 炮製各一分

右為末同研勻以鍊蜜和丸如菉豆大不計時候以淡竹瀝研下丸量兒大小臨時加減

治小兒天癆臟腑風熱壅滯四肢抽掣大小便不利

巴豆霜 一分 乾蠍 微炒 藿香 白殭蠶 微炒各半兩

右為末以麩糊和丸如菉豆大三歲以金銀犀角煎

湯下一丸如無動靜更服兩丸下惡物始煤及瓜汁相似便瘥量兒大小加減服之

一字散 治天癆醒風爽精神

天南星 半兩微炮製 蟬殼 一分微炒 白殭蠶 乾蠍 各一分

右為細末次入蕎麥一分用醋石榴殼一枚將諸藥入在石榴殼內以鹽泥封裹於竈下慢火燒之泥乾燥為度取出再研勻每服一字溫酒調下

歸命丹 治小兒天癆及搐搦不定

水銀 一分以小棗肉研令星盡 牛黃 麝香 各半分 錫愆脂 一兩

水淘黑水令盡

右細研用軟粳米飯和丸如黍米大不計時候以新汲水下二丸量兒大小增減服之

治小兒天癆及驚風歇不恒方

鸛鵲糞 微炒 牛黃 細研半分 乾蠍 五枚 麝香 一錢

右為末不計時候新汲水調下半錢量兒大小加減服之

蚱蟬散 治小兒天癆眼目搐上筋脈急

蚱蟬 微炒 牛黃 雄黃 並細研各一分 乾蠍 七枚

右為散不計時候薄荷湯調下一字量兒大小加減服之

治小兒天癆臟腑壅滯壯熱搐搦

五靈脂 一兩 白附子 生用 南星 生用各一分

右為末以頭醋一升熬成膏後入蝸牛末二錢麝香一錢和丸如菉豆大每服一錢一丸以乳汁研破服

之如無乳汁即以金銀湯下入口瘥

保生丸 治小兒天癆臟腑壅滯壯熱搐搦

巴豆 七枚生用 去皮心 天南星 一枚 炮製 蚘螂 五枚 生用

右將前藥晴明時初夜於北極下露之一宿明旦擣羅為末取豉四十九粒口內含不語脫却皮爛研和九如黍米大隨年九數以溫水下

殭蠶散 治小兒天癆及急驚風搐搦

白殭蠶 二枚 微炒 蚘螂 一枚 微炒 葇荂子 一枚 微炒 令黃

右細羅為散用溫酒調注入口中令睡汗出即瘥如

睡多不用驚起如一二歲患急即頓服之稍慢即分

三服

立參丸 治小兒天癆驚風搐搦牙關急閉目吐涎

立參 水銀 各半 兩 乾蠍 一分 微炒

右為末以棗瓤研水銀星盡內少鍊蜜用藥末和丸如菉豆大三歲以下用薄荷湯破研三丸服之三歲以上即加丸數服

定命散 治小兒天癩驚風不能哭泣

梨盧 鬱金 川芎 各等分

右為細末鼻中噴嚏之如哭可醫

鬱金散 治小兒天癩急驚風盛熱方見本門急驚風

類

治天癩麟眼向上

硃砂 通明者三菜豆大 乾蠍 一個全者銚內炒過

右為細末以飯少許和丸如菜豆大患者用硃砂少

許細研入酒內化下一丸頓愈

塗顛法 治小兒天癩驚風

草烏 炮作川烏 雲臺子 等分

右為末用新汲井水塗顛頂上

雙金散 治天癩驚風目久不下眼見白睛兼角弓反

張聲不出者

蜈蚣 一個去頭足尾真酥塗慢火炙黃置砧子上
面南用竹刀子當春縫中停剝作兩個左邊
者入一左貼內寫左字右邊者亦入麝香一錢細
一貼子內寫右字不得交錯大悞矣
研分二

處先將右邊者同入乳鉢內研作細末却入在左
字貼內收起別用乳鉢將左邊字者入麝香同研
極細却入右字貼內不得相犯收之每有病者
眼睛上不見白睛魚角弓反張更不出聲者

右以細葦筒子取左字貼內藥少許吹在左邊鼻右
亦如之用藥不可多若眼全未下更添些少其眼便
下即止

治小兒天癩眼目搖上並手口掣動宜服此方

用壁魚兒一十五枚乾者五枚以乳汁相和研爛更
入乳汁用灌入口立效

南星散 治小兒天癩

用天南星大者一枚掘地作坑安瓦子一片先用火
燒赤後放天南星於熱甑上用酒半升傾天南星上
即以蓋子覆之候冷對擣羅為散每服一字温酒調
下二歲以下以乳汁調

普濟方卷三百七十二

總校官候補知府臣葉佩蓀

校對官學錄臣常循

騰錄監生臣李連